

Jose Ramon Vitoria

Donostiako Orfeoia-EHU saria jaso du
KULTURA, 22



Aloña Mendik 5-1 irabazi du etxean

UDAK 2-1 galdu du kanpoan eta Mondrak 0-2 irabazi
KIROLA, 12-13

Swamp Factory

3.60 aretoa bete zuten barikuan
KULTURA, 20-21



Goienkaria

ASTELEHENA • 2006ko otsailaren 20a • 3. urtea • 90. zenbakia • 0,90 euro

San Viator ikastolaren teknologia tailerra erre egin da

Atzo goizaldean gertatu zen sutea Arrasateko ikastolan eta teilatua eta bigarren solairua suntsitu ditu

Arrasateko San Viator ikastola gunean dagoen teknologia tailerra erabat hondatuta geratu da atzo goizaldean piztutako suaren ondorioz. San Viator ikastolaren eraikin nagusiaren ostean dago erre den eraikina. Derrigorrezko

Bigarren Hezkuntzako 200 bat ikaslek teknologia eskolak hartzen zituzten eraikinaren bi solairuetako tailerretan. Aurrerantzean eskolak non emango dituzten erabakitze dago, baina Ferixalekuan izan daiteke. **2-3**

LAU ORDUKO SUTEA

Domekan, goizeko ordubatak bueltan oharitu ziren sua zegoela. Suhiltzaileek 05:30ean amaitu zuten sua itzaltzen

ZIRKUITULABURRA

Sua zerk eragin zuen argi ez dagoen arren, zirkuitulaburren baten ondorioz izan daitekeela uste dute suhiltzaileek

DBHKOAK ESKOLA BARIK

DBHko 1. eta 2. zikloetako hamar gelaetako ikasleak geratu dira teknologia eskola barik Arrasateko San Viator ikastolan

TXARO IRAETA

San Viator ikastolako zuzendariak esan digunez: "Han inguruan sua pizten aritzen dira gaztetxoak eta arriskua beti egon da"



JOSETXO ARANTZABAL

Teilatua eta bigarren solairua erabat suntsitu ditu suak.

Gerra sasoia gogoratuko dute gaur

Elgetara datoz Alemaniatik hamabost lagun, 'Gernika Gogoratz'ekin **6**

Bilkura ibarreko presoen alde

Eguenerako bi manifestazio deitu dituzte, Arrasaten eta Bergaran **9**

Markel Blanco lasterkaria Euskadiko txapeldun

Gazte mailako txapeldun da atzo ezkerro lasterkari arrasatearra. 6.300 metroko proban hartu zuen esku Lasarten eta bera izan zen azkarrena. **19**

UGARTE

ARROZTEGIA-ALTZARIAK



Arrotz lanak orokorrean • Horma armairuak • Altzariak • Leihoak • Ateak



ALTZARI DENDA
Ikerleku zeharbidea • BERGARA
Tel.: 943 03 46 30

ERAKUSKETA ETA TAILERRA
San Juan 1A • BERGARA
Tel.: 943 76 54 91 Faxa: 943 76 08 04

GEUREAN

- Eleaniztasunaren gaineko jardunaldia egin dute HUHEZIn | 4
- Espetxean 15 urte egin dituelako omendu zuten atzo 'Aska' Bergaran | 8



Joxerra
Bengoetxearekin
Europako
Batasunaz berba
egin dugu | 7

SUTEA SAN VIATORREN



JOSETXO ARANTZABAL

Erabat hondatuta geratu dira eraikinaren bigarren solairua eta teilatua, sutearen ondorioz.

SAN VIATOR | ATZO GOIZALDEKO 01:20EAN EMAN ZUTEN SUTEAREN DEIA ETA 05:30AK ARTE ARITU ZIREN HAN SUHILTZAILAK

San Viator ikastolaren teknologia tailerra erre zen atzo goizaldean

Derrigorrezko Bigarren Hezkuntzako 1., 2., 3. eta 4. mailako 200 bat ikaslek hartzen zituzten teknologia eskolak erretako eraikinean. 2. solairua eta teilatua erre dira

Marijo Deogracias

Arrasate Pasealekuan dagoen San Viator ikastetxearen atzeko aldean dagoen eraikinak sua hartu zuen atzo goizaldeko ordu bata aldera. Suhiltzaileek 01:20ean jaso zuten deia Zubillagan eta ia lau ordu behar izan zituzten sua erabat itzaltzeko. Eraikinaren goiko solairua –bi solairu ditu– eta teilatua erabat erre dira. Atzo ezkerro, segurta-

sunagatik, itxita dago eraikina eta perituek esan beharko dute zein egoeratan geratu den. Izan ere, eraikinaren egiturak ez dirudi, lehenengo begiratuan behintzat, kalte handirik jasan duenik. Horrela adierazi digu Txaro Iraeta ikastolako zuzendariak. Hala ere, kalteak handiak izan dira goiko aldean, hantxe hasi baitzen sua. “Teilatuan piztu ei zen sua eta bigarren solairua ere erre egin da erabat”, azaldu digu Jokin

Agirre erakinaren arduradunak. “Suhiltzaileak etorri ostean, ordu erdi bat behar izan zuten lanean hasteko. Eraikina heltzea ez da oso erraza eta horrek, hein baten, eragin du sua hainbeste zabaldu izana”, diote Agirrek eta Iraetak.

Sua berez piztu zen, zirkuitulabur baten ondorioz, edo eragindakoa izan den argitzeko dago. Ertzaintza ere izan zen sua piztu zen lekuan eta perituek ere euren iritzia eman beharko dute. Hala ere, ikastolako arduradunek ez dute baztertzen eragindakoa izatea: “Han inguruan sua pizten aritzen dira gaztetxoak eta arriskua beti egon da”.

TAILER BARIK GERATU DIRA

San Viator gunean, teknologia tailerrean, ia 200 ikasle ari dira. Derrigorrezko Bigarren Hez-

kuntzako 1. eta 2. mailakoak lehenengo solairuan aritzen dira eta 3. eta 4. mailakoak dira bigarren solairuan ikasten dutenak. DBHko bigarren zikloko ikas-

Teilatuan piztu ei zen sua eta bigarren solairua ere erre egin da

“Han inguruan sua pizten aritzen dira gaztetxoak eta arriskua beti egon da”

leak dira teknologia eskola ordu gehien hartzen dituztenak astean. Lehenengo solairuko tailerretako materiala errekupe daiteke, han suak ez baitu kalterik eragin. Aldiz, bigarren solairuko azpiegitura guztia galdu egin da. Ikastolako zuzendariak adierazi digunez, “leku fisikoa egokitzeko konpon gaitzke, baina, azpiegitura, hau da, makinak, instalazio guztiak –mekanika, elektronika...– ikasteko behar dena erre egin da eta hori errekupeatzea gehiago kostatuko zaigu. San Viatorreko gunean horixe zen geneukan tailer bakarra. Ferixalekuan eta Almenen ere baditugu DBHko ikasketak, hortaz, ikusi egin beharko da zer nolako aukerak ditugun ikasleek euren eskolak gal ez ditzaten”.

SUTEA SAN VIATORREN

• HORRELA GERATU DA SAN VIATORREKO TAILERRA SUAREN ERAGINEZ



Teknologia tailerreko kristalek ere eztanda egin zuten.



Eran horretan geratu da 2. solairuko biltegia.



Tailerreko makinaria guztia hondatu da.



Lehenengo solairuan ez da kalterik egon.

TXARO IRAETA | SAN VIATORREKO ZUZENDARIA

“Ikastola erre zaigu, herriko ikastola”

M.D.

Gau guztia lorik egin barik igaro zuen Txarok. Goibel erantzun zituen gure galderak, atzo arratsaldean.

Astelehenetik aurrera zer? Non jasoko dituzte ikasleek teknologia eskolak?

Argi dago patxadaz aztertu behar dela eta ez duela soluzio erraza honek. Ferixalekuan edo inguruko beste ikastetxeren baten izan beharko da. Hala ere, gauza bat da espazioa –hori erraz konpontzeko modua izango dugu–, baina ekipamendu guztia galdu dugu. DBHko 3. eta 4. mailako ikasleek erabiltzen zuten materiala erabat hondatu zaigu.

Goiztxo den arren, zenbateko galerak izan dituzue?

Eraikinaren goiko alde guztia erre da, teiltatua eta bigarren solairua. Horri tailerreko materiala gehitu behar zaio. Badi-rudi etxea bera ez dagoela kalte-tuta, baina oraingoz ez dago esaterik zenbatekoak diren kalteak. Aseguru etxekoek baloratu beharko dituzte kalteak.



JOSETXO ARANTZABAL

Eraikina, hortaz, ezin da erabili aurrerantzean?

Dagoenean ez. Segurtasunagatik ezin da eraikinera sartu. Dena dela, nahiko nuke gure ikasleek suteak eragindako kalteak ikustea. Astebururo ari-zen dira gaztetxoak inguruetan sua pizten eta, ez dut esaten horrela piztu zenik sua, baina denok ikusi beharra daukagu hau sute batek eragin dezakeenaz ohartzeko. Ikastola erre zaigu, herriko ikastola. Gainera, eraikin honek historia luzea dauka, herriar asko igaro da hemendik, baita ikastolaren aurretik ere.

San Viator ikastolako tailerra aurretik eskola nazionala izan zen

1938az geroztik San Viatorreko klerikoek umeak eskolatzeari ekin zioten. Sasoi hartan, baina, mutikoak bakarrik ziren eskolara joaten zirenak. Colegio San Josek, Centro Escolar Bolivar zenak, 1961-1962 ikasturtean oinarritzko batxilergoa emateko baimena lortu zuen eta 1965-1966 ikasturtean goi batxilergoa ematekoa.

Geroago, 1967an, Arrasate Pasealekuko ikastetxeak ateak zabaldu zituen. Orain dela 22 urte (1984an) San Viator ikastola bihurtu zen ikastetxea.

DBHko 3. eta 4. mailako ikasleen teknologia tailerra eta hango materiala erre da

130 metro koadro zituen San Viatorreko tailerrak eta beste 50 metro koadro ondoko gela-biltegiak. DBHko 3. eta 4. mailako ikasleek teknologia eskolak hartzen zituzten han. Tailerrean hiru zutabe-daratulu, bi zerra, bi artezteko makina, esmerila, 10 elektronika panel, erreminta panela, ordezkatzeko piezen panela (harilak, motorrak, kondentsadoreak, etengailuak...), lan-mahaiak eta aulkiak zeuden. Biltegian, berriz, ikasleek egindako proiektuak eta lanerako mahaiak erre dira, besteak beste.

Lau orduz aritu ziren suhiltzaileen 3 kamioi ura botatzen eraikinera

Goizaldeko 01:20ean jaso zuten deia Zubillagako suhiltzaileek. Bi neska ohartu ziren eraikinaren goiko alde-tik ateratzen zen keaz. Goizaldeko 05:30ak arte aritu ziren suhiltzaileak sua itzaltzen. Kosta egin zitzaien itzaltzea, egurrezko egiturak su handia eragin zuelako. Sua zerk eragin zuen galdetuta, “zirkuitulaburren bat izan daiteke, baina ez dago esaterik hori izan zen sua eragin zue-na”, adierazi ziguten Zubillagatik. Lekukoek esan digutenez, “izugarritzko sua ateratzen zen teiltatupetik”.

Zure negozioaren erakusleihoa Interneten

www.goiena.net-eko blog komertzialak



- Zure negozioko eskaintzaren berri sarean
- Euskarri merkea
- E-maila onenak Google eta beste bilatzaileetan
- Erabiltzeko erraza

Prezioen eta ikastaroen gaineko informazioa:
www.goiena.net/blogak ·
azabarte@goiena.com ·
943 76 92 70

Goiena.net
Debagoieneko Interneteko ataria

www.goiena.net/blogak

/4quattro4
/argi-plastik
/arregi
/blogak/atai
/azkarate
/joseba
/BZ-sistemas

/dragon-oriental
/ezkutuorly
/gallastegi
/garaia
/guztizeder
/irudisport

/korozabaleta
/merkeopari
/multiopicas
/ohiak
/okipark
/vitoria
/pando

/udalatx
/udalaitz
/gorkataxi
/ehmff
/elejalde
/maulanda
/mayte

Eta baita ere:

www.aizue.com
www.lilura.com
www.baster-alde.com



JARDUNALDIAK IZAN DIRA HUHEZI-N | 'JAKINGARRIAK' ALDIZKARIAREN 20. URTEURRENEAN EGIN ZIREN EGUBAKOITZEAN

Eleaniztasuna lantzeko hizkuntzen arteko zubiak landu behar dira

'Eleaniztasuna eskolan' izenburuarekin egin dituzte jardunaldiak, HUHEZIn, 'Jakingarriak' aldizkariak antolatuta

Marijo Deogracias

Jakingarriak aldizkariak 20 urte egin dituela eta, hura egiten duen taldeak *Eleaniztasuna eskolan* izeneko jardunaldiak antolatu zituen joan zen egubakoitzean. MÜren Eskoriatzako fakultatean elkartu ziren 70 lagunetik gora, ia guztiak irakasleak, eleantiztasunaz jarduteko. Goizean teoria eta arratsaldean tailerrak izan zituzten, eta tartean hainbat esperientzia ezagutzeko aukera ere izan zuten jardunaldietara bildutakoek. Izan ere, lehenengo saioan, esaterako, Pili Sagastak eta Matilde Sainzek beste herrialde batzuetan ikusitako esperientzien berri eman zuten. "Ikasleenganako espektatibak sortu behar dira, erreferentzia markoak sortzeko eta ikaslearen curriculum osatzen joateko. Hizkuntza bakoitza bere aldetik antolatzea ez da ona eleantiztasuna sus-

pertzeko", adierazi zuen Sainzek. Horren harira, Uri Ruiz Bikandik ere horixe azpimarratu zuen; hizkuntzak gauza isolatuak lez ez direla irakatsi behar azaldu zuen, "hizkuntzen arteko zubiak eraiki behar dira eta komunean dituzten elementuak ezagutzarako erabili behar dira".

Goizeko lehen etenaldiaren aurretik eginiko galderen artean, eskoletan dauden bestelako hizkuntzekin nola jokatu behar den jakin-mina erakutsi zuten entzuleek. Hizlariak azpimarratu zuten, "ama-hizkuntzak ezinbesteko garrantzia dauka. Hizkuntza trebetasunak ama-hizkuntzan landu behar dira. Gela bakoitzean dauden hizkuntza kopuruaren arabera hizkuntza komunitateekin harremanak sendotzea ona izan daiteke. Gurasoek jakin behar dute garrantzitsua dela ama-hizkuntza garatzea; horixe sus-



Egubakoitzean egin zuten jardunaldia HUHEZIn, Eskoriatzan.

pertu ezean, laugarren hizkuntza, esaterako, lekuz kanpo legoke". Horren haritik, familiaren eta hezkuntzaren artean dagoen erabateko banaketaz ere aritu ziren.

• ELEANIZTASUNAZ ARITU ZIREN LAURAK JARDUNALDIETAN



MATILDE SAINZ |

ESKORIATZAKO
HUHEZI-KO
IRAKASLEA

"Hizkuntza ikasi behar da curriculum osoan normaltasunez erabiltzeko"

"Hezkuntza proiektuaren barruan eraikitzen da hizkuntza proiektu eleantizta. Nahi dena da haurrek hizkuntza ikastea eta curriculum osoa egin ahal izatea, normaltasunez. Eskola bakoitzak bere hizkuntza proiektua sortu behar du, inguru, helburu, ama hizkuntzaren... arabera. Hizkuntza gutxituak sustatu egin behar dira; gurean, euskara".



URI RUIZ BIKANDI |

HEZKUNTZA ETA
LITERATURAREN
DIDAKTIKA (EHU)

"Hizkuntzek komunean dutena aprobetxatu behar da"

"Irakatsi behar ditugun hizkuntza guztien artean zer dagoen komunean ikusi behar dugu. Orain arte hizkuntzak ikasten dira, elkarren artean zerikusirik izan go ez balute bezala. Hor-taz, galdera da: zer egin elkarren artean dutena aprobetxatzeko? Komuna diren faktoreetara jo behar dugu eta hizkuntzen arteko zubiak egin, ikasleei laguntzeko".



ROSA ALIAGA |

DONOSTIAKO
BERRITZEGUNEKO
KIDEA

"Hizkuntzaren estatu bakoitza ezagutu behar da irakasteko"

"Hizkuntza trataera bateratua eraikitzeko programak egin ditugu, euskara abiapuntutzat hartuta, beste hizkuntzak nola eraikiko diren bideratzeko. Eleaniztasunera heltzeko eleantiztasunetik egin behar dugu eta klaustrokideei laguntzeko proposamenak osatu ditugu guk. Hizkuntzaren estatu bakoitza ezagutu behar dugu irakasteko".



DIANE LINDSEY |

IKASTOLEN ELKARTEA
(INGELES MATERIAL
SORTZAILEA)

"Hizkuntzak ez dira zera isolatu lez ikasi behar, integratu egin behar dira"

"Hizkuntzen ezagutzan, pertsonen trebeziaren eta ezagutzen artean transferentzia egoten da; hortaz, hizkuntzak ez dira zera isolatu bat lez ikasten. Curriculum integrala nahi badugu, koherentzia izan behar da hizkuntzen arteko ezagutzan; hizkuntza trataera integratua landu beharra dago eskolan, eta badira horretan ari diren hainbat".



M.D.

MARIAN BILBATUA ETA NEREA ALTZOLA |
'JAKINGARRIAK' ALDIZKARIAREN SORTZAILE ETA EGILEAK

"Fotokopia ziztrin batzuekin hasi ginen"

Hogei urte bete ditu *Jakingarriak* aldizkariak. Pentsatu zenuten horrenbestera helduko zenik?

Ba, ez. Ilusioarekin hasi ginen, eta inoiz ez dakizu nora helduko zaren. Krisialdiak ere izan ditugu, baina jarraitzeko gogoia izan dugu beti. Hasi ginen oso apal, gauza txikitxo batekin, eta gaur egun ateratzen dugun produktua oso ona dela uste dugu. Azkenekoan jardunaldiak lotutako eleantiztasunaz aritu dira zortzi aditu, eta eskola guztietara eta fakultateetara zabaltzen dugu.

Zer moduzko harrera izaten duela uste duzue?

Funtzio ezberdinak ditu. Prestakuntza aldetik asko erabiltzen da, irakasleen artean. Eskoletan, aldiz, gaiaren arabera izaten da. **Hezkuntza gaiak lantzen dituzue. Beti dago zertaz aritu?**

Bai, beti. Eleaniztasuna, psikomotritizitatea haur txikiendako... Beti ditugu gaiak eta beharrak. Hurrengoan, esaterako, kulturartekotasunaz arituko gara. **Nola gogoratzen dituzue *Jakingarriak*-en hasiera haiek?**

Biok elkartuta gure materiala eskaintzeko asmoz, fotokopia ziztrin batzuk egin genituen, pasta moduko bat jarri eta horrela hasi ginen, oso apal. Orain ere apaltasun horretan ari gara, baina eduki aldetik beste maila bat lortu dugu. Azkenekoan, esaterako, maila altua dagola esango genuke.

Aurrera begira, zer?

Jada hurrengo zenbakia prestatzen ari gara: kultura artekotasuna. Uztailean aterako da, eta jarraitzeko asmoa daukagu kalitate eta edukia zainduz.



ARTXIBOA

Akzioen %3 duten bi bazkideekin akzioon erosketa negoziatzeko prest daude Gameiko langileak.

Gameiko langileek bazkide txikien akzioak erosiko lituzkete

Enpresa-batzordeak esan du gaur arte egongo direla zabalik negoziazioak “langileon lanpostuak mantentzeko asmoz”

Monika Belastegi

Egubakoitz eguerdian egindako asanbladan jaso zuten Arrasateko Gamei SA lantegiko langileek gutxieneako akziodunekin izandako batzarraren berri. Akziodunek, enpresa-batzordearen esanetan, “euren interes pertsonalak gordetzeagatik eta juridikoki legalak izanda 55 familiaren itxaropenak zapuztu ditzakete”.

NEGOZIAZIO BIDE BERRIAK AZTERTU DITUZTE

Gamei SAKO enpresa-batzordeak jakinarazi du gaur arte (astelehena) egongo direla zabalik negoziazioak, eta beste negoziazio bide batzuk ere zabalduko dituztela “gure lanpostuak mantentzeko asmoz”. Hala, langileen asanbladak azaldu du, bazkide txikien akzioen erosketa negoziatzeko borondatea “etorkizuneko

proiektu bideragarri bat arriskuan ez jartzeko asmoz eta gure familien biziraupena ziurtatzeko”.

Horrekin batera, enpresa-batzordeko ordezkariak gehitu dute Gamei SA lantegiaren egoerak “okerrera” egiten duela egunetik egunera, eta irtenbide bat lehenetsi ezean “lantegia ixtea eta aktiboak likidatzea” beste irtenbiderik ez dute la izango. Horren guztiaren aurrean, “sen ona eta ardura eskatzen dugu gaur, astelehena, egingo ditugun negoziazioen ondotik jarraipena eman ahal izateko Arrasateko lantegi enblematikoetako bati”.

- URKULU INGURUA AISIARAKO ETA KIROLERAKO EGOKITZEKO LANAK

DEBAGOIENDARREN BIZI KALITATEA HOBETZEKO URRATSA

Halaxe definitu zituen Txabarri diputatu nagusiak Urkulu urtegiaren inguruan egindako hobe-kuntza lanak. Lanok ia bukatuta daude eta horixe ikustera hurbildu zen Lurralde Antolaketa eta Sustapenerako diputatu Koldo Azkoitiarekin eta Arritxu Oliden Aretxabaletako alkatearekin. 627.469 euro jarri ditu diputazioak eta egin dituzte: bi aparkaleku 120 ibilgailurendako, 7 kilometroko zirkuitua txirrindulari eta oinezkoendako, eta kirol gunea eta hiri altzari berriak jarri. Debagoiendarrek naturaz gozatuz aisialdirako eta kirola egiteko gunea bat eskaintzea izan da lanen helburua.



AMAGOIA LASAGABASTER

18/98+ taldeak deitutako manifestazioarekin bat egin zuten zapatuan

milaka lagun eta alderdi gehienek. Maite Aristegik balorazioa egin du

MAITE ARISTEGI | 18/98+ TALDEKO KIDEA

“Zapaterok ate hau itxi eta berria ireki behar du”

Monika Belastegi

Babes handia jaso zuen zapatuan deitu zenuten manifestazioak.

Oso pozik gaude, bai kopuru aldetik –aurreko manifestazioan baino jende gehiago egon zen–, eta baita ere sentsibiltate desberdinak batu zirelako ere.

Izan ere, alderdi politiko gehienetako ordezkariak batu ziren Bilbon zapatuan.

Aspaldian halako argazkirik ez da ikusi. Lizarra-Garaziko denboretatik lehenengo aldia izan da eta hori oso pozgarria dela uste dut.

Eta egindako adierazpenetan guztiek gaitzetsi zuten epaiketaren izaera.

Lan taldetik bota dugun mezua beti izan da epaiketak geratu egin behar direla –orain martxan dagoena eta zain daudenak– eta Audientzia Nazionalari dagokionez, ezin dela halako bidegabekeriak egiten dituen tribunal arrotza onartu. Instrukziotik ikusten genuen zer zetorren eta orain frogatzen goaz gero eta bidegabekeria gehiago betetzen dituela eta ezin dela halako tribunal arrotz bat onartu.

Nik uste dut atzoko mezuan guztiak zetozela bat horretan: lehengo garaien ispilua dela epaiketara, azken batean eta beste garai batzuetan sartzen ari baldin bagara, beste jarrera batzuk behar direla ere bai. Baita batzeko bideak egin behar direla ere. Nik uste zapatuan, batik bat hori ikusi



ARTXIBOA

zela, batze hori, guztiok batzeko lekua izan zen, ideia horren inguruan.

Nola begiratzen diozue etorkizunari?

Itxaropenez. Bilbon halako erantzuna ikusita agerian ikusten da orain lehen ezkutuan zegoen bidegabekeria. Oso agerian dago eta euskal gizarteak esan zuen zapatuan Bilbon behingoz geratu beharra dagoela.

Orduan, bada, eskaera horren aurrean ezin da beste aldera begiratu eta alarma piztu behar du eta mugitzera bultzatu mugitu behar duenari.

Azkenean, Zapateroren gobernuak egin beharko du zerbait, behingoz, ate hau itxi eta beste ate berri bat zabaltzeko. Hori da euskal gizarteak eskatu ziona aurreko egunean.

Labur

Ezinegona Oñatiko dendari eta tabernarien artean lapurretengatik

Eguaztenetik egunera bitarteko gauean hiru negoziotan lapurreta egin zuten eta beste bi saiakera izan ziren Kale Barria eta Euskadiko Etorbidean. Ez da lapurretak gertatzen diren lehenengo aldia, eta tabernari eta dendari batzuek uste dute gauetan Ertzaintzaren edo Udaltzaingoaren zainketa handitu beharra dagoela. Lapurtu zuten hiru lokaletan sistema bera erabili zuten: atea palanka baten bidez ireki zuten eta dirua bakarrik lapurtu zuten.

Hezkuntza eredu berriaren gaineko kanpaina abiarazi dute asteburuan

Otsailetik maiatzera bitartean hezkuntza eredu berriaren gaineko kanpaina abiaraziko dute. Euskal Herri osoan gauzatuko da eta 100.000 sinadura batu nahi dituzte. Debagoienari dagokionez, asteburuan hasi dira dagoeneko kanpainaren gainean kartelak eransten eta gaur, kanpainaren berri emango dute Arrasaten. Horrekin batera, sinadurak batuko dituzte martxoaren 18an Arrasateko Portaloian; apirilaren 8an Bergarako San Martin plazan; eta maiatzaren 6an Elgetan. Guztiak 13:00etatik aurrera.

KALTE-ORDAINAK | GERRA SASOIAN ETA FRANKISMOAN PRESO EGON ZIRENEK KALTE-ORDAINAK JASOKO DITUZTE

Debagoieneko hainbat lagun ari da kalte-ordainak jasotzeko tramiteetan

Langileen diziplina-batailoietan aritu zirenek edo aurrekoan eskaria epez kanpo aurkeztu zutenek kalte-ordainak jasotzeko bigarren aukera dute

Marijo Deogracias

70 urte beteko dira aurten altxamendu frankista gertatu zenetik. Eta haren kontra aritu ziren borrokalarien oroimenez Nestor Basterretxearen eskultura inauguratu zuten atzo Bilbon. Horrekin batera, gizarte gaietarako sailburu Javier Madrazok aurreratu duenez, gerra zibilean eta frankismoan preso egon zirenek kalte-ordainak jasotzeko bigarren aukera izango dute: 10,2 milioi euro banatuko dira bigarren aukera honetan. Kalte-ordainak jasotzeko aukera izango dute, batetik, lehen epez kanpo aurkeztutako eskariak; bestetik, hilabete baten barruan lehenengoz aurkezten dutenak; eta hirugarrenez, lan-zelaietan aritzera zigortutakoak.

Sailburuak adierazitakoaren arabera, mila bat lagun dira gerra zibilean edo frankismoan preso egonda, aurreko aldiak kalte-ordainak jaso barik geratu zirenak. Mila lagun horietako batzuek epez kanpo aurkeztu zituzten eskariak, edo beste barik ez zituzten aurkeztu.

Baina bada berrikuntza bat ere oraingo kalte-ordain hauetan. Izan ere, presoen kategorian sartu dituzte lan-zelaietan aritu zirenak ere.

ESKABIDE BERRIAK

Hilabeteko epea eman du Jaur-laritzak eskabideak egiteko. Lehenengoz eskabidea egiten dutenen kasuan, kontuan hartuko dira aurreko dekretua egin zenean, (2002ko azaroaren 29an) 65 urte beteak izatea. Gainera, euskal udalerriren baten errol-datuta egon beharko dira, urtebetez gutxienez, eta gutxienez 6

hilabetez preso egin zirela erakutsi beharko dute. Jaur-laritzak 3.174 eskabide ordaindu ditu, 7.200 eta 9.600 euroko kalte-ordainekin.

GERNIKA GOGORATUZ, ELGETAN

Gaur bertan, goizeko 10etan, iritsiko dira Elgetara Meaning and Ways of Intergenerational Remembering, Transmission and Sites of Remembrance taldeko hamabost lagun. Alemaniatik Gernikara bidean etorri dira eta Elgeta ere bisitatuko dute. Patxi Basauri alkateak egingo die ondotorria, eta ondoren, Intxorta 1937 kultura taldeko Juan Ramon Garai gerra zibilean Elgetan izandako ikuspegi historikoaz arituko da. Ekitaldian, gainera, herri-tarrek ere parte hartuko dute, eta ondoren, Deustuko unibertsitateko eta Aranzadi elkarteak Paco Ferrandiz arituko da oroimen historikoaz. Amaitu aurretik, Antsutegin ateratako gorpuen gaineko ikus-entzunezkoa erakutsiko da eta Antsutegi base-rriraino bisita egingo dute Elgetako Kafe Antzokira batutako guztiek.

JOSU OTADUI | FRANKISMOAN PRESO EGOTEAGATIK KALTE-ORDAINA JASO DU

"60ko hamarkadan hirutan sartu ninduten preso"

M.D.

Soldadutza egiten ari zela preso egon zen Josu Iruñe-an, desertore lez epaitu zutelako. Gerora, Donostian manifestazio baten atxilotu zuten, 60ko hamarkadan, eta berriz ere Arrasaten "propaganda ez legala banatzeagatik".

Nolatan sartu zintuzten preso soldadutza sasoiari?

Iruñeko kuarteleatik etxera etorri ginen, baina bueltako bidean Donostiara joan nintzen lehenengo eta gero, trenean, txartel barik harrapatu nindutenez, Altsasuko komisaldegira eraman ninduten. Lau hilabetez izan nintzen Iruñeko espetxean. Sei lagunendako ziega baten egon nintzen beste 31 presorekin. Baina aske utzi ninduten kuartelera bueltan nindoala ohartu zirenean.



Iaz Arrasaten egindako omenaldia, Laubide plazako monolitoan.

Fusilatuen senideei omenaldia egingo zaie ekainean

Orain dela hiru urte egin zieten lehenengoz, Arrasaten, gerran fusilatuei omenaldia. Aurten gertaera haien 70. urteurrena betetzen dela eta, batzordekoek omenaldi berezia egitea erabaki dute. "Fusilatuen senideei egitea adostu dugu; orain arte ez da inor gogoratu bizirik geratu zirenez eta azkeneko omenaldia izan dadila gura genuke", adierazi digu Juan Ramon Garai batzordeko kideak. Ekainaren 11n, domeka, egingo dute omenaldia, Laubide plazan.

Debagoienean 700-800 senide inguru daude eta "guztiei egiten diegu gonbita. Gainera, udalei ere eskatuko diegu laguntza".

Bazkaria ere egingo dute eta dagoeneko salgai daude txartelak: Bergarako Urkan dendan, Oñatiko Altuna estankotan, Aretxabaletako Gurea tabernan eta Arrasateko Arrasate Kristaldegian. Hurrengo antolaketak batzarra otsailaren 25ean izango da, 11etan, Jaizale elkartearen. "Batzordea irekia denez, lagundu nahi duena ager dadila".



Josu Otadui mondragoetarra.

ordaindu behar izan nuen. 1964ko azaroaren 28an Donostian atxilotu ninduten, manifestazio baten propaganda banatzeagatik. Hamar bat egunez egon nintzen preso. Bigarrenez, 1965eko apirilaren 14an sartu ninduten eta abuztura bitartean egon nintzen barruan. Hirugarrenez, 1966ko azaroaren 20an sartu nintzen hurrengo urteko apirilera arte.

Datuak

- 10,2 milioi euro ditu Jaur-laritzak kalte-ordainetan banatzeko (2002ko dekretuarekin 25,6 milioi banatu ziren).
- Eskabidea epez kanpo aurkeztu zuten 249 lagunek ere jasoko dute kalte-ordaina.
- Hilabeteko epea dago eskabideak aurkezteko.
- 7.200 eta 9.600 euro arteko konpentsazioa jasoko du bakoitzak.
- Aranzadi elkarteak 6 historialari arituko dira artxiboetan bila.
- Aurretik 3.147 biktimak jaso dute kalte-ordaina.
- Diziplina batailoietan aritu ziren 1.000 bat gudarik ere jasoko dute kalte-ordaina.
- Eskabideak egin dituztenek: lehenengo dekretua onartu zenean 65 urtetik gora izan behar zituzten; gutxienez euskal udalerrietan urtebetez bizi izan behar dira; gutxienez 6 hilabetez zigortu zituztela erakutsi behar dute.

Gerra zibilean edo frankismoan preso egondako mila bat lagunek, ez dute ordainik jaso

Gaur 10etan Elgetako Espaloian hitzordua egin dute Gernika Gogoratzeko elkarteak

'Elkarriketa eta gizarte. Etorkizuneko ildoak Europako Batasunean' mintegia egiten ari dira gaur Bilbon, MCC eta Gizarte Ekonomiaren Espainiako Enpresa

Konfederazioak antolatuta. Hantxe da gure elkarriketatua ere. Aurretik, baina, Oñatiko Unibertsitate Zaharrean dagoen Oñatiko Lege Soziologiaren Nazioarteko

Erakundean hartu gintuen sasoi baten Europako Justizia Tribunalean eta Lan sailburuorde izan zen EHUKo irakasleak. Europaren etorkizunaz aritu gara harekin.

JOXERRA BENGOTXEA | OÑATIKO LEGE SOZIOLOGIAREN NAZIOARTEKO ERAKUNDEKO ZIENTZI ZUZENDARIA

“Europako gizarte eta ekonomian kooperatibek lekua izan behar lukete”

Marijo Deogracias

Zer lortu nahi duzue mintegian?

Europako gizarte eta ekonomia batzordean ez ote luketen kooperatibek presentzia izan behar eztabaidatzea. Hau da, elkarriketa sozial europarrean ekonomia sozialeko enpresek ez ote luketen parte hartu behar plazaratzea. Elkarriketa soziala gutxieneko akordio batzuk lortzeko bidea da, baina orain arte sindikatu eta enpresen artean egin izan da.

Europeistatzat duzu zeure burua. Europako Konstituzioak zergatik dauzka hain lagun gutxi? Zergatik ez gara europar hiritar sentitzen?

Nire ustez, europarrak sentitzen gara, hori ez da arazoa. Hala ere, zaila da jakiten zergatik bozkatu den ezetz eta zergatik baietz. Ez dut uste europar sentimendua baietzarekin edo ezetzarekin loturik dagoenik. Planteatzen dena da nola hartu behar ditugun erabaki berri hauek. Egokia da estatu bakoitzak aukeratutako egunean egitea bozketa ala guztiok batera egin beharko genuke? Horrez gainera, nola onartu edo hartu behar da erabaki hori? Hau da, beharrezkoa izango da beti estatu guztiek onartzea ala europar gehiengo garbi bat eskatu behar dugu?

Orduan, konstituzioa bozkatzeko planteamendua ez da zuzena izan? Prozesua beste era baten egin beharko litzateke?

Baliteke, baina horrek ekarriko luke beste era bateko Europa eraikiko genukeela; estatu federatu baten antz handia izango lukeen Europa. Baina estatuek pauso hori ez dute eman nahi izan, eta indefinizio horretan geratu gara: estatuek ez dute galdu nahi subiranotasun formal hori. Saltzen digute Europa bada-goela, baina hiritarrok ez dugu sinisten. Hortaz, edo pauso serio horri eusten diogu edo onartzen dutenen aurrean egingo du aurrea Europak, hau da, abiadura

ezberdineko Europa. Horren bestez, Europa ausartagoa egin daiteke batzuen artean eta merkatu Europa bat besteen artean; baina hori, jada, badago.

2000. urtean Lisboako gailurrean eredu sozialaren oinarri berriak ezarri ei ziren. Zuk horren alde egin izan duzu, baina kritikoa zara orain arte egindakoarekin. Azal egi-guzu zer esan zen gailur hartan eta zein den egoera orain.

Europa soziala nekez eratuko da, eztabaida ideologiko handiak dakartzalako. Ekonomiarik dinamiko eta lehiakorrena nahi zen Europan, baina ezagutzaren gainean oinarritutakoa. Aldi berean, hazkundea eramangarria izan dadila nahi da, baina osagai sozialekin. Kalitatezko enplegua eta kohesio soziala zen Lisboan defendatzen zena. Hori litzateke eredu sozial baten has-tapena, hazia.

Eta, zertan da gaur egun eredu sozial hori?

Europari ez zaio benetako tresnarik ematen hori gauzatzeko; hortaz, estatuek egin behar dute, eta estatuendako kostu sozial handia denez, ez dute egiten. Formula bila ari dira, Frantzia, Alemanian... Agian Suedian asmatu dute *flexicuritate* horrekin. Kalteak minimizatze-ko prozesuetan ari dira estatua-



M.D.

Oñatiko Lege Soziologiaren Nazioarteko Erakundeko Zientzi zuzendaria da Joxerramon Bengoetxea.

eta Lisboakoa 2010erako plana izanik, 2005ean ohartu ziren neurriak ez zirela betetzen ari. Berriz alarma jo dute eta zerbait egin beharrean gaude berriro.

Eskualde eta antzekoek parte hartzeko aukera izango balute, egoera aldatu egingo litzateke?

Hemen beste eztabaida handi bat dago: zein da elkartasunaren esparrua? Estatuek interes handia daukate eurak izaten jarraitzeko. Eredua ongizateko estatu kideak izaten jarraitzen du, eta ez ongizateko batasuna

edo ongizateko erregioa. Hortxe dago lehia. Nire ustez, gure erronka da gure elkartasunaren esparrua sortzea eta hortik aurrera elkartasuna adierazi gu hartzen gaituen estatuari eta Europari. Zergatik egozten zaio Euskadiri solidario ez izatea? Hain justu, beren esparrua estatua delako. Hala ere, ez diote inori esaten Espainia ez dela solidarioa Letoniarekin, esaterako, han baino hobeto egoteagatik.

Ezkerrak ongizate estatuaren defentsan egindakoa ez dela ego-kiena izan ere esan izan duzu.

Ongizatearen estatuak finantza aldetik zulo handiak dituela argi dago. Estabilitatearen eta inflazioaren kontrola lortu nahi badira erreformak egin behar dira, batez ere gastu sozialari begira. Ezkerrak orain arte ikuspegi zuzentzailea izan du, ezberdintasunak zuzentze aldera. Baina diskurtso berria zera da: gorde dezagun gastu soziala kasu larrienetarako eta saia gaitzen ezberdintasunak saihesten: auke-ren berdintasuna indartzen. Hauek neurri prebentiboak lirateke. Baina horrek kutsu indibidualista du, dimentsio soziala falta zaio eta hortxe kokatzen da

ekonomia soziala: kolaborazioa, kooperatibismoa, langileak elkartzea... Hau da, solidaritatearen esparrua taldetik landu behar dela eta ez norbanakoen aldetik.

Zer esan nahi duzu, Debagoienan badaukagula Europa sozialaren arazoa konpontzeko giltza?

Guk daukaguna harribitxi bat da. Bruselatik egiten diren politikak, Lisboara bidean, hemen gera daitezke, zerbait ikasteko. Lehengo kooperatibisten baloreekin asmatu zen hirugarren bidea: ez zuten kuestionatzen merkatuaren logika, egokitu egiten ziren, baina beste balore batzuk jartzen zituzten.

Baina kooperatiba munduan ere badira ahots kritikoak.

Eta guztiz beharrezkoak dira. Kooperatibak ere globalizazioaren merkatura egokitu behar izan dira eta lan horretan baliteke baloreetan zerbait galdu izana. Zentzu horretan oso garrantzitsua izan daiteke sindikatuekiko galdutako eztabaidari eustea. Elkartasunaren esparru hori sortu nahi badugu eta inoiz solidaritatearen gunea izan nahi badugu, debate horiek guztiz beharrezkoak dira alde guztien artean.

“Indefinizioan geratu gara: estatuek ez dute galdu nahi subiranotasuna”

“Europa soziala nekez eratuko da, eztabaida ideologiko handiak dakartzalako”

“Eredua ongizateko estatu kideak izaten jarraitzen du, eta ez ongizateko batasunak”

“Solidaritatearen esparrua taldetik landu behar da, eta ez norbanakoen aldetik”

Eskaintza polita egon zen Bergarako zuhaitz azokan

Oñatin, era berean, domekan egin zuten azoka, baina Zuhaitz Eguna oraingo domekan egingo dute Belarren 200 zuhaitz landatuz

Jon Berezibar

Udalak antolatuta, Zuhaitz Eguna ospatzen lehenak bergararrak izan ziren. Alde batetik plazan azoka egin zuten 12 mintegi-etxe-ekin (Euskal Herritik, Errioxatik eta Kataluniatik etorritakoa). Jende kopuru polita elkartu zen eguerdi partean herriko plazan, baina zapatuko zuhaitz eguneko bigarren gunea Gorla aldean egon zen. Bertan, Udalak dituen orube batzuetan pagoak landatu zituzten Bergarako ikas-
tetxeetako haurrek.

GIROA AURKA OÑATIN

Eguraldi eskasagoarekin, eta ondorioz jende mugimendu gutxiagorekin, oñatiarrek domekan egin zuten Zuhaitz Azoka. Txantxikuen kasuan, Natur Eskolak antolatu du Natura Astearen ekintzen barruan. Herriko plazan 12 bat haztegi ipini zituzten postuak, denak Euskal Herri-
tik etorritakoak Castelloko landare-etxe bat salbu. Datorren asteburuan, gainera, Zuhaitz



JOSETXO ARANTZABAL

Zapatu goizean zuhaitzez bete zuten Bergarako herriko plaza.

Eguna ospatuko dute. Domekan izango da hori eta Aloña eta Belar inguruan 200 zuhaitz landatuko dituzte, haritzak eta lizarrak gehien bat.

Aurretik, aurrerapen moduan, domekan bertan sahiesbide inguruan, Triana eta Bidebarrieta artean, iaz landatutako hagin idorrek berriekekin ordezkatu zituzten. Jarduera hauekin guztiekin Natur Eskolakoek natura eta ingurumena errespetatu eta zaintzeko mezua zabaldu gura izan dute bai haurren bai helduen artean ere.

Datuak

- **POSTU KOPURUA:** Sei Oñatin eta hamazazpi Bergaran.
- **JATORRIA:** Gipuzkoa, Bizkaia, Castello, Errioxa eta Katalunia.
- **LANDAKETA BERRIAK:** Bergaran Gorla eta Elosu inguruan pagoak sartu dituzte eta Oñatin Belarren 200 zuhaitz berri landatuko dituzte datorren domekan.

Hiru milioi eta erditik gorako aurrekontua onartu dute Elgetan

EAJ-EAren aldeko botoekin eta Aralar taldeko kontrakoekin onartu zuten eguenean

Monika Belastegi

Eguenean onartu zuen Elgetako udalbatzak 2006. urteko aurrekontua. 3.622.799 eurokoa da, eta zatirik handiena inbertsioei zuzendutakoa da: 2.141.352 euro hain justu.

Iazko aurrekontua (5.441.962 euro) baino txikiagoa da aurtengo. Horren arrazoia da, Patxi Basauri alkatearen esanetan, iaz egindako inbertsio handia, Pagatzako lanak, esaterako -4.063.622 euro bideratu zituzten inbertsioetarako-.

Aurtengo inbertsioaren zatirik handiena hirigintzak erotan du, 1.463.559 euro, hain justu ere. Eta horren barruan partidarik handiena, Torrealdeko urbanizazio lanak egiteko izango da: 1.327.934 euro. Horrekin batera, irisgarritasun lanak 30.993 euro aurreikusi dituzte, eta beste 18.000 Maalako parkea egokitzeke.

Beste inbertsio garrantzitsua bat kirolei dagokiena da. Izan ere, 490.000 euro inbertituko ditu Udalak pilotalekua berritzen. Partidarik txikiena, berriz, kulturendako izan da, 31.060 euro, hain zuzen. Besteak beste,

buruhandi berriak egingo dituzte, eta gaztelekurako eta Espaloirako altzariak erosiko dituzte esandako kopuru horrekin.

ARALARREN EZEZKOA

Aralarrek ezezkoa eman zien eguenean aurrekontuei, eta partidaz partida kontraproposamena ere egin zion udalbatzarran bertan EAJ-EAren aurrekontu proposamenari. Izan ere, Aralarrek uste du “legealdiaren amaiera gerturatzen den honetan etorkizunera begirako zenbait proiekturen alde egin beharko lukeela Udalak”. Hala, hainbat partida aurrekontuan jasotzea proposatu zuen. Besteak beste, Salbador kalea egokitzeke 200.000 euroko partida eta Agenda 21erako partida bikoiztea (18.000 euro). Gainera, aurrekontuetan “pisu gutxi” dutela eta derrigorrezkoa iruditzen zaie euskarazko ekintzei eta jubilatuen lokalari dagozkien partidak handitzea.

Horrekin batera salatu dute EAJ-EAk ez duela borondaterik azaldu “gurekin aurrekontuak adosteko, nahiz eta batzarrak eskatu ditugun. Bigarren eskarian jaso genuen erantzuna, eta alkateari esan genionean aurrekontuak adostu nahi genituela, esan zigun itxita zeudela eta gure proposamen batzuk jasota zeudela”. Borondate falta horren adibide da, Aralarrekoen iritziz, “aurrekontu osoaren %3 osatzen duten gure hiru proposamen baino ez dituztela kontuan hartu”.

Omenaldia egin zioten Askari

Mikel Askasibar Herrerako kartzelاندago, eta hil honetan bete ditu 15 urte espetxeratuta

Jon Berezibar

Hamabost urte kartzelan egin dituela-eta omenaldia egin zioten atzo Bergaran herriko Mikel Askasibar presoari. Familia eta lagunekin batera, presoari bera-ri zein senideei egin gura izan zioten ohore Segi, Etixerat eta Askatasunako kideek plazan bildutako herritarrekin batera. Mikelek berak, omenaldiaren berri izanda, elkartasun hitz batzuk helarazi zizkien gutun bidez hamabost urtean jasotako elkartasu-

na eskertuz. Omenaldiak Pol-pol elkartean jarraitu zuen askaria-
rekin.

STATUS POLITIKOA ESKATUZ

1991. urtean Guardia Zibilak atxilotu zuenetik Espainiako hainbat kartzelatatik igaro da Mikel “Aska”. Atxilotetan bertan tiro bi jaso zituen Askasibarrek eta urtebete egin zuen ospitalean, “hiztorian egon zen”. Askatasunak ekitaldian salatu zuenez, kartzelatan egindako egonaldietan dagoeneko hiru aldiz jipoitu dute eta hainbat gose greba, itxialdi eta enkartelada egin ditu. Horiekin, omenaldian agertu zuten, preso politikoen eskubideak eta estatus politikoa aldarrikatu gura izan ditu Askak. Eskaera honekin bat egin zuten domekako omenaldian parte hartutako lagunek ere.



JOSETXO ARANTZABAL

Ekitaldiaren ostean manifestazioa egin zuten herriko kaleetan.

Albiste izango da

ANTZUOLA | 19:00ETAN, OLARAN ETXEAN

Arrola Mendi Elkarteak urteko batzarra egingo du eguaztenean

Etzi, eguaztena, urteko batzarra egingo du Arrola Mendi Elkarteak. Olaran etxean egingo dute, 19:00etan, eta gero, 19:30ak aldera, Jon Beloki mendizalearen ikus-entzunezko emanaldia egingo dute. Batzarrean ofizial egingo dute zuzendaritza batzorde berria Arrolako kideek; izan ere, dagoeneko badaramatza hila-bete batzuk jardunean. Arrolako arduradunek herritarrei egingo dako deitik osatu zuten batzorde hori, elkartea desagertzekotan zegoen-eta. Oso erantzun ona jaso zuen deiak, eta, bi urtean batzordea berritu ezinda ibili eta gero, osorik berritzea lortu dute.

EUSKAL HERRIA | JAIK PAREKIDEAGO EGITEKO

Ospakizun sexisten berri jasotzeko kanpaina abiarazi dute

Bilgune Feministak kanpaina bat jarri du abian, Euskal Herriko auzo, herri eta hirietako jaiak parekideago izan eta elementu sexistak behingoz desagertzea da helburua. Bilgune Feministaren arabera, azken urtean ez da aurrerapauso nabarmenik egin: “EAEko Berdintasun Legea onartu zenetik, presentzia publikoari lotutako azaleko eraginak besterik ez dugu sumatu”.

Erakundeei Euskal Herriko jaien inguruko azterketa egin eta horren aurrean neurriak hartzeko eskaria helarazi zieten Bilgune Feministako kideek, baina erantzunik eza ikusirik erabaki dute arazoari heltzea, eta webgunea jarri dute abian gure inguruko jaien berri emateko: jaiparekideak@euskalherria.org.

DEBAGOIENA | EGUENEAN, 18:30EAN

Euskal presoen “muturreko” egoera salatzen agerraldia deitu dute

Ibarreko Askatasunak presoan aldeko manifestazioa egin du. Eguenerako, hilaren 23rako, egin du deia, eta bi manifestazio egongo dira: Arrasaten eta Bergaran. Biak hala biak 18:30ean abiatuko dira plazatik. Askatasunaren esanetan, “azkenaldian Espainiako eta Frantziako estatuak euskal presoengan eragiten ari diren politika suntsitzailerak geroz eta nabarmenagoa da”, eta “gure ibarrean horren lekuko ditugu Marixol Iparragirre, Unai Parot, Jon Agirre, Zuhaitz Errasti, Aratz Gomez eta Premin Sanpedro”. Askatasunaren esanetan, “oinarrizko bizi baldintzak eta eskubideak zapaltzeaz gain, espetxean bizi duten egoera are larriagoa bihurtzen diete, muturreko egoeretan egotera behartuz”. Hori guztia salatuko dute eguneko manifestazioetan.

ARAMAIO | SILVIA HUEGUNEK EMANGO DITU ESOLAK

Elikadura osasuntsua egiteko gomendioak bihar Muru Alden

Bihar, martitzena, elikadura osasuntsua egiteko gomendioen ikastaroa eskainiko die Silvia Huegunek Muru Alde elkartera hurbiltzen diren guztiei. 15:00etan hasi eta 17:00ak arte jardungo du eskolak ematen, eta gura duten guztiak hurbil daitezke, ez dagoelako izena eman beharrik.

Eguenean, otsailak 23, bestalde, bioarkitekturaren gaineko berbaldia egingo du Amaia Agiriano arkitektoak. Material naturalak erabili eta etxeak egitea, kutsadurarik ez egotea eta beste hainbat gai izango ditu hizpide, 19:00etan, udaletxe zaharrean.

ESKORIATZA | 17:00ETAN JAIALDIA EGONGO DA PLAZAN

Urdelardero egunarekin hasiko dituzte Inauteriak egunean

Tradizioari eutsiz Urdelardero egunarekin hasiko dituzte Inauteriak eskoriatzarrek. Goizean kalejira egingo dute ikastetxeetako neska-mutikoei, Inauterien hasiera iragartzeko. 11:30ak aldera bukatuko dute eta txistorra egongo da hurbiltzen diren guztiendako, plazan.

Arratsaldean, berriz, umeendako jaialdia egongo da 17:00etan, plazan Azkona taldearekin –pilotalekuan izango da, eguraldi txarra eginez gero–. Eta jaialdiaren ostean, txokolate beroa ere banatuko diete hurbiltzen diren guztiei –edallontzia norberak eraman behar du–.

Hitzorduak

SUKALDARITZA | Hemengo platerak egiten irakatsiko dute Elgetan, ikastaro baten

Euskal Herriko hainbat plater zelan prestatu ikasteko aukera dago Elgetan. Ikastaroa otsailaren 27tik martxoaren 22ra bitartean emango dute herriko elkarte gastronomiko baten, astelehen eta eguaztenetan, 19:00-21:30 ordutegian. Ana Mari Albisu sukaldaria etorriko da hemengo plater horiek irakastera. Oraindik ez dute erabaki zein plater irakatsiko duten; izan ere, irakaslearen arabera izaten da aukeraketa.

Ikastaroa 25 urtetik gorakoei zuzenduta dago, eta gehienek ere 18 lagun hartuko dituzte. Dagoeneko lagun dezentek eman du izena. Horretarako, udaletxera jo behar da. 10 euro da.



ANTZUOLA |

• **Adobe Acrobat Reader programa irakatsiko dute**
Adobe Acrobat Reader programa irakatsiko dute hilaren 23an, eguna, KZgunean, 18:00-20:00.

ARAMAIO |

• **Posta elektronikoa erabiltzen irakatsiko dute**
Posta elektronikoa erabiltzen irakatsiko dute gaur, astelehena, KZgunean, 18:00etatik aurrera.

ARETXABALETA |

• **Internetegunakaria irakurtzearen gainekoak**
Zure egunkaria irakurri delako ikastaroa emango dute hilaren 23an, eguna, KZgunean, 09:00etan.

ARRASATE |

• **Hainbat ikastaro emango dituzte KZgunean**
Honako ikastaroak emango dituzte KZgunean: *Kutxa 1* (hilak 21), *Kutxa 2* (hilak 22) eta Outlook programaren gainekoa (hilak 22).
• **Nork bere burua defenditzen ikasteko tailerra dago**
Emakumeei zuzendutako nork bere defentsaren gaineko ikastaroa izango da martxoaren 17an (16:00-20:00) eta 18an (10:00-14:00 eta 16:00-20:00) Arrasateko Emakume Txokoa. 12 euro da; 6, ikasle eta langabeendako. Izenematea, 943 79 41 39 tele-

fonoan edo emakumetxkoa@gmail.com helbidean.

BERGARA |

• **Kultura elkarteek dirulaguntzak eska ditzakete**
Irabazi-asmorik gabeko kultura taldeek dirulaguntzak eska ditzakete martxo hasierara arte. Eskatera-orria Udaltzaren Sailean duzue.
• **Bi ikastaro emango dituzte asteon KZgunean**
Honako ikastaroak emango dituzte: *Asteburu bat Euskal Herrian* (hilak 22, 09:00) eta *Flashget* (hilak 23, 18:00).
• **Kinto afaria egingo dute 1943an jaiotakoek**
Kinto afaria egingo dute 43an jaiotakoek martxoaren 4an, Azpeitxi jatetxean, 21:00etan. Izenematea epea martxoaren lehen bukatzen da. Interesa duzenok deitu honakoei: Maribel Zeziaga (943 76 22 90), Arantza Askasibar (943 76 16 13) edo Juan A. Fernandez (943 76 53 22).
• **Erretzeari lagatzeko ikastaroa antolatu dute**
Erretzeari lagatzeko ikastaroa antolatu du zazpigarren aldiz Udaltzaren Departamentuak. Interesa duenak bertan eman behar du izena eta epea zabalik dago. Martxoaren 10ean eta 11n izango da ikastaroa eta 290 euro balio du. Aurreko sei ikastaroetan 99 lagunek hartu zuten parte eta 63k laga zioten erretzeari.

DEBAGOIENA |

• **Saharako errefuxiatuendako dirua batzen ari da Nubi**
Nubi elkarteak dei egiten du Saharako errefuxiatuen kanpalekuetara bidaltzeko dirua emateko. Izan ere, eurite tropikal batzuek hondamen handia egin dute, eta Nubik kontu bat zabaldu du dirua batzeko: 3035 0001 51 0010097799 (Euskadiko Kutxa).

ELGETA |

• **Soto batera irteera eta egun pasa antolatu dute**
Heredad Ugarte delako sotora irteera antolatu du Goibeko elkarteak zaturako, hilak 25, eta Guardian bazkaria. Izena emateko, jo Espaloira.

ONATI |

• **Goi mailako hezkuntza zikloen gaineko berbaldia**
Batxilergoko ikasleei eta gurasoei zuzenduta, goi mailako hezkuntza zikloen gaineko hitzaldia egingo dute Arizmendi ikastolak eta Mondrago Unibertsitateak etzi, eguaztena, ikastolan, 18:30ean.
• **Naturaren gaineko hiru hitzaldi emango dituzte**
Natur Astearn barnean, honako hitzaldiak izango dira Natur Eskolan: *Baso eta zuhaitz zaharren garrantzia* (gaur, astelehena), *Korridore naturalak* (bihar, martitzena) eta *Ugata: arrano hezurjalea* (etzi, eguaztena). 19:00etan dira.

Iritziak



Isilpekoak

943 25 05 02
goienkaria@goiena.com

Zerbait esateko daukazula? Deitu edo idatzi e-posta. Zeri txaloak, zeri txistuak... Eta sail honetan aterako ditugu zure komentarioak.

• Ibarrako irteera ezin da konpondu?

Oñatitik iritsi zaigu asteon txistuetako bat. Ibarratik errepide-
ra irteteko bidean dagoen zulotzarraz kexu da gure irakurlea:
“Oñatiko Ibarrako irteeratik Zubillagarantz jo nahi nuen eta
izugarritzko sustoa hartu nuen joan zen martitzenean. Ia-ia
autoa sartu nuen dagoeneko bide erdia hartzen duen zuloan. Ez
da askorik erabiltzen irteera hori, antza denez. Bestela, honez-
kero, norbait konturatuta legoke han dagoen zuloa onartezina
dela. Baina betiko moduan, zerbait larriagoa gertatu arte ez
dute ardura dutenek soluziorik jarriko. Aprobetxatuko dut eta
alkate berriari lehenengo eskaria bideratuko diot lerro hauek
aprobetxatuz”.

• Trenbidearen egoera tamalgarria da

Bergaratik ere kexu da gure irakurle bat. Oraingoan baina,
autoen bide batez barik oinezkoen bide batez da kexu: trenbide-
az. Dioskunez, “itzelezko zuloak daude trenbidean, lotsagarri
dagoela esateraino. Jende asko ibiltzen da paseatzen trenbide-
an Mekolalde aldera, gehienak hankaren bat bihurritzeko
beldurrez bideko zulo mordoa dela eta. Bidegorria egin bitarte-
an, ondo legoke, behin-behineko soluzioa ematea trenbideari;
izan ere, erretiratu asko –eta bestelako herritar asko ere–
egunero ibiltzen da trenbidean. Gainera, Udalak bide gorria
egiteko proiektua eginda baduen arren, egin arte denboratxo
beharko denez, herritarron onerako, besterik ezean, bota
harritxoak trenbideko zuloetan. Ez dago Bergaran paseatzeko,
lur lauaz oinez ibiltzeko, bestelako leku aproposik, auto barik
eta naturatik gertu. Beraz, udal ordezkarietara deia egin nahi
nieke eta sinistu ezean, egin dezatela paseotxo trenbidean
zehir eta ohar daitezela zertaz ari naizen”.

Sarean harrapatuta

Ernalkuntza lagunduaren lege proiektua

Ernalkuntza lagunduaren lege proiektua
onartu du Espainiako Kongresuak. Lege
horren arabera, bikoteak enbrioia aukeratu
ahal izango du laborategian lortutako
enbrioien artean, gaixotasunen bat duen

seme-alabaren bati laguntzeko bada, betie-
re enbrioia bateragarria denean. Kongre-
suak onartu ostean, Senatuaren onespena
jaso beharko du indarrean jartzeko. *Goie-
na.net*-en galdetu dute gaiaren gainean.

OSASUNA HOBETZEKO IZAN DADILA

Niri ondo iruditzen zait. Horre-
la bizitzak salbatu daitezke edo-
ta hainbat gaixotasuni aurre egi-
ten lagundu. Hori bai, beti ere osa-
sun helburuetarako izan dadila,
ez beste helburu batzuetarako.
Miren / www.goiena.net

NATURAREN AURKA JOATEA DA

Nik uste dut mugak gainditzea
dela. Zer pasatuko da denok gure
umeak kartara aukeratzeko has-
ten bagara? Uste dut naturaren
aurka joatea dela. Bizitza gogo-
rra da, baina datorren moduan
hartu behar dira gauzak, bai txar-
rak eta baita onak ere.
Jose / www.goiena.net

MUTURREKO EGOERETAN EGITEKO ONDO DAGO

Ez zait gaizki iruditzen legea,
baina ez litzaidake gustatuko
gizakiaren etiketik harantzago
joatea. Ondo dago medikuntzak
eta zientziak aurrera egitea, bai-
na beti ere etika baten barruan.
Ezin da edozein gauza egin aurre-
rapenagatik. Baina, bizitzak sal-
batzen baditu prozedura honek
eta muturreko egoeretan baka-
rrik egin baldin badaiteke, ondo
iruditzen zait.
Marijo / www.goiena.net

GURASOEN EGOERAN


JARRITA ADOS NAGO

Oso zaila da galdera horri eran-
tzutea. Nik uste dut galderari
erantzuteko semea edo alaba gai-
xo duen guraso baten egoeran
jarri behar dela eta gurasoaren
egoera horretan pentsatuta ados
nago legearekin, duda barik. Hala
ere, ezjakintasunean eta urru-
netik, beldurra ematen didate,
etorkizunean medikuntza aurre-
rapenak har dezaketean norabi-
deak ikusita.
G.V. / www.goiena.net

ZIENTZIARI EZIN ZAIO

www.goiena.net

Ondo iruditzen zaizu
enbrioia aukeratzeko
seme-alabak sendatzeko?



Zure iritzia eman nahi baduzu jo
www.goiena.net webgunera

OZTOPORIK JARRI

Kalean gauza asko nahasten ari
dira. Lege honek ez du zer iku-
sirik klonazioarekin. Batzuk bel-
durtuta daude eta esaten dute
gizakiaren gainbehera ekarri-
ko duela honek... Baina ez dut
uste hainbestearainokoa denik.
Egin duten legea muturreko
kasuetarako da eta oso kasu
zehatzetarako. Horrelako legeen
aurka egitea zientziaren aurre-
rapenari oztopoa jartzea beste-
rik ez da.
Rober / www.goiena.net

EZ DU GIZAKIAREN GAINBEHERA EKARRIKO

Nik uste batzuetan oztopoak jarri
behar zaizkiola zientziari ere.
Hala ere, dena ez da zuria edo bel-
tza. Klonazioa debekatzea ez dut
uste zientziaren aurka joatea
denik eta, bestalde, orain onar-
tu duten lege honek ez dut uste
gizakiaren gainbehera ekarriko
duenik.
Oiess / www.goiena.net

ZIENTZIAN GASTATU ARMETAN BEHARREAN

Zientziari oztopoak jarri? Zer-
gati? Nik zientziara bideratu-
ko nuke armetan gastatzen duten
diru guztia, ea orain hiltzen
duten gaixotasun asko senda-
tzeko biderik aurkitzen duten.
Zalao / www.goiena.net

Halaxe erantzun digute

Bartzelonako
kongresuan
aurkeztu dituzten
era berriko
eskuko telefonoek
zer ekarriko diote
erabiltzaileari



EVA SUDUPE |
LKS INGENIARITZA



ARKAITZ ZUBIAGA |
MUTILMEDIA.COM



MAIDER ARREGI |
GOIENANET



ELI GARRO |
EUSKALTEL-EKO KOMERTZIALA



Erabiltzaileak erosotasun han-
diagoa izango du edozein lekuta-
tik baliabideak eskuratzeko. Bar-
tzelonan aisiari eman diote garran-
tzi handiagoa; nire ustez horiek
beste eremu batzuetara erama-
tea garrantzitsuagoa da, adibidez
GPS edo bideo-konferentzia zer-
bitzuak eskurago izatea.

Poltsikoan ordenagailu bat era-
maten bukatuko dugu, hori da
behintzat eskuko telefonoek azke-
naldian erakusten duten joera.
Banda zabala, bideo-konferentzia,
fitxategiak bidaltzea, argazki
kamera, mp3 irakurgailua... Gero
eta txikiagoa da PDA baten eta
eskuko baten arteko aldea.

Eskuko telefonoen iraultza supo-
satzen du. Telefono honekin Inter-
neten nabigatu ahalago da. ADSL-
aren abiadura bera izango du eta
Interneten konektatuta egonda
telefonoz hitz egiteko aukera izan-
go dugu. Aurrerapen teknologi-
ko handia da. Baliteke ordena-
gailuari merkatua kentzea.

Baliteke zenbait lanetarako aldio-
ro erabiliko dutenak egotea, bai-
na ohiko erabiltzaileek ez dute
horien alde egingo. Gainera, eta
hasieran telefonoekin gertatu zen
moduan, garestiak izango dira
zerbitzu horiek. Telefonía kon-
painiek egin beharko dute apus-
tua lehenengo.

Egunkarietako harribitxiak

OTHMAR GOMEZ
KORTAZAR

Bilbotarra da, eta duela bost urte musulman egin zen. Assabil, Euskal Herriko elkarte soziokultural islamiarreko idazkaria da. Atzo *Garan* egindako elkarrizketan zioen, elkartearen helburu estrategikoen artean dagoela Bilbon egoitza islamiar erraldoia egitea.

‘Gara’
2006-02-19



EPIZENTROA EUSKADIN
DUTEN SISMOAK

Institutu geografiko nazionalak 61 lurrikara zenbatu ditu EAEn azkeneko 100 urteetan: 31, Gipuzkoan; 22, Araban eta 8, Bizkaian (guztiak intentsitate txikikoak, ez dute 3 magnitudea gainditu). Epealdi horretan ez da heriotzarik izan lurrikaron ondorioz, baina nagusienek gogoratzen dute pitzadurarik. Gipuzkoari dagokionez, Donostia eta Goierri izan dira

halako gertakarietarako joera handiena izan duten tokiak. Donostia, esaterako, zazpi aldiz azaldu da datu-base sismikoan azkeneko 100 urteetan. Debagoienari dagokionez, Arrasaten ere gertatu zen halako lurrikara txiki bat, 1996an. Ehun urteotako lehenengo lurrikara 1928an izan zen, Donostian; azkena, Andoainen izan zen, iaz.

‘Noticias de Gipuzkoa’
2006-02-19



Zorroztalea



Eperretara

“Zorioneko gizona naiz”, adierazi zuen atzo *Harry Whittington-ek Corpus Christi Memorial ospitaleko atarian, Texasen, han ingresaturik egon baita astebetez, Estatu Batuetako presidenteorde Dick Cheney-k beraren kontra tiro egin ondoren, estatu bereko errantxo batean eper ehizan zebiltzala. “Istripuak gertatu egiten dira”, esan zuen, “eta horixe gertatu zen”.*

‘El País’ | 2006-02-18

ro erabat seguru jakitea...) eta, hori gutxi balitz, ordaindu gabe zeukan eperretan ibiltzeko derrigorra den zigilua (zazpi dolar omen). Etxe Zuriak isilpean gorde nahi izan zuen afera ahalik eta luzaroen, baina azkenean tokiko egunkari batek errantxoko jabearen deia jaso eta albistea argitaratu zuen (zaila da pentsatzea Washingtongoen baimenik gabe izan zitezkeenik, bai deia bai argitaratzea).

Badu arrazoirik Whittington gaixoak (halako lagunekin, zertan etsairik) bere burua zorionekotzat jotzeko: ez da ehiza gai izango Guantanamo, Abu Grahiben ere ez dute epertzat hartuko. Kasua itxita ei dago. Texasako polizia, gertatua iker-tu ostean, bazter batera utzi du lehendakariordeari kargurik leporatzeko aukera. Ramón Salinas sheriffak *Houston Chronicle*-ri adierazi zionez: “Amaitu da gure ikerketa. Ehiza-istripua baino ez da izan”.


Gerardo Markuleta

Aurpegiaren eskuma aldean more eta laru kolore artean, tiroak eragindako zauriek nabarmen erasanda –27 bat metrotik, adiskidearen perdigoikadak bete-betean harrapatu zuen masail, lepo eta bular aldean–, 78 urteko abokatu milioidun errepublikarrak agerraldia egin zuen kazetarien aurrean, bere adiskide politikariak aste barruan izandako kritikak eta txisteak deitoratzeko. Datu jakingarria da, prentsa aurrean agertu zenean (ospitale atarian, gero barrura egin zuen berriz) hamar minutu falta zirela Dick Cheney legealdiaren hasiera-ekitaldian telebista-kameren aurrean agertzeko. Estatu Batuetako lehendakariordeak ehiztarien hainbat urrezko erregela urratu ei zituen (su-leproa ez haustea, zeri egiten zaion ti-

“Lehendakariordeak ehiztarien hainbat urrezko erregela urratu ei zituen eta ordaindu gabe zeukan eperretarako zigilua”

“Badu arrazoirik Whittington gaixoak bere burua zorioneko jotzeko: ez da ehiza gai izango Guantanamo”

Tira, tira...



Peli 'Berria' | 2006-11-19

Egunkarietan irakurri dugu

‘Berria’

18/98 AUZIA

"Zapaterok ulertu behar du makrosumarioak desagertu egin behar duela. Bakea lortzeko prozesua abiatzeko itxaropenaz hitz egiten du, eta itxaropena elikatu behar dela dio, baina itxaropenari lekua egiteko eta hura elikatzeko, Madrildik datozen kriminalizazio saio hauek guztiek bertan behe- ra geratu behar dute".

Rafa Diez
2006-02-19

‘Gara’

18/98 AUZIA

"Audientzia Nazionala da Euskal Herriaren eta euskal herritarren eskubideak ukatzeko tribunal berezi eta politikoa. Neurri erre- presiboek ez dute laguntzen, baina ororen gainerik egon behar luke Euskal Herriko eragileen ekimen eta borondate politikoa. EAJ etortzea, oso baikorra da, adibidez. Espe- ro dugu guztiok ausartagoak izatea".

Juan Mari Olano
2006-02-19

‘El Diario Vasco’

18/98 AUZIA

"Euskal Herrian hastera doan bake proze- suan oztopo handia da 18/98 auzia; hori dela eta, berandu baino lehen bertan behera gera- tu behar duela uste dugu. Auzipetu guztiei gure babesa adierazi nahi diegu. Horrega- tik etorri gara Bilboko manifestaziora. Nor- malizazio politikoa eta bakea lortzeko oztopo diren prozeduren kontra azalduko gara".

Unai Ziarreta
2006-02-19

‘Noticias de Gipuzkoa’

18/98 AUZIA

"EAJk argi ikusi zuen hasieratik 18/98 auzia interes politiko ugari ezkutatzen zituen eki- men juridikoa zela. Ez du ez hanka ez buru- rik; bertan behera geratu behar du. Area- go, normalizazio politikoa lortzeko beha- rrezkoa da bertan behera geratzea. Bakea lortzeko ETAk armak laga behar ditu, bai- na normalizazioa lortu behar da aurrena".

Iñigo Urkullu
2006-02-19

KIROLA

- Mugarri Alkesak 88-92 irabazi du Consmetal liderraren kantxan | 15
- Dorletako Ama Txirrindulari Eskolak taldeen aurkezpena egin du | 19



Abel Barriola
pilotariarekin jardun
dugu bere itzulera
eta etorkizunaren
inguruan | 19

PREFERENTE MAILAKO FUTBOL TALDEAK

ALOÑA MENDI

5-1

ALLERRU

Aloña Mendi | Elgarresta, Elgarresta, Igartua, Idigoras, Garai (Lopez, 71. min.), Arregi I.a, Barrena (Losada, 75. min.), Astola, Sanchez, Bazan (Maiztegi, 72. min.) eta Astigarraga (Arregi II.a, 69. min.).

Allerru | Gerardo, Urra (Oscar, 76. min.), Martiarena, Marandiaran, Unanue, Dani (Julen, 69. min.), Agirre, Ibai (Ibai, 69. min.), Saizar (Gajate, 75. min.), Unai eta Mikel (Azkona, 69. min.).

Golak: | 1-0 Idigoras (57. min.), 2-0 Elgarresta (59. min.), 3-0 Idigoras (62. min.), 3-1 Agirre (64. min.), 4-1 Idigoras (70. min.) eta 5-1 Idigoras (78. min.).

Epaila | Haro jauna. Ondo ibili zen. 4 txartel hori atera zizkien Aloñako jokalariei eta 2 Allerrukoei.

Bestelakoak | Jende gutxi hurbildu zen Azkoagainera partidua ikustera.

Bikain

Roberto Idigoras

Oñatiarrak 4 gol sartu zituen atzokoan. Partidu bikaina egin zuen Robertok, aurrealdeari bizitasuna emanaz. Anaiaren botekin aritzeak zortea ekarri zion.

Kaskar

Aurkaria

Allerruk ezer gutxi egin zuen Oñatin. Ia partidu guztian etxekoan mende egon ziren lezoarrak. Azkoagainera hurbildu zirenek talde bakarra ikusi zuten zelaian. Hala ere, gola egin zuten.

Esandakoak

“Lehen zatian partidua erabakitzeke aukerak izan ditugu. Behin lehen gola eginda, samur irabazi dugu”.

AITOR ORUETA |
ALOÑAKO ENTRENATZAILEA

“Inoiz ez ditut partidu berean lau gol sartu. Jokalari gazteak gara, baina urte asko daramatzagu elkarrekin”.

ROBERTO IDIGORAS |
ALOÑAKO JOKALARIA



ARTXIBOA

Oñatiarrak fisikoki oso ondo daude; partidu amaierara intentsite handiarekin iristen dira.

FUTBOLA | GOL FESTA AZKOAGAINEN

Behin lehen gola eginda, guztiak jarraian etorri ziren

Aloñak ez zuen aurkaririk izan atzokoan. Lehenengo zatian partidua erabakita uzteko aukerak izan arren, 2. zatian erabaki zuen

Arantzazu Ezkibel

Aloña Mendik erraz irabazi zuen atzo Allerruren aurkako neurketa. Lehenengo gola egitea kosta egin zitzairen arren oñatiarrei, behin atea zulatuta, beste gol guztiak jarraian etorri ziren.

Partiduko protagonista, dudarik gabe, Roberto Idigoras izan zen. Etxeko jokalaria lau gol egin zituen eta Elgarrestak sartutakoan ere pasea berea izan zen.

Aloñak lehenengo minututik hartu zuen partidua jabetza.

Ezker hegaletik jokaldi politak egin zituzten oñatiarrek; Unai Arregi eta Roberto oso ondo konpondu ziren.

10. minutuan, Aloñako atezainak luze atera zuen eta Robertok, buruz, atezainaren eskuetara bota zuen baloia. Hurrengo jokaldian, Jokinek, area kanpotik jaurti zuen gogor, baina baloiak zutoina jo zuen.

25. minutuan, Allerruko atzelariak huts egin eta baloia Henryren oinetan utzi zuten. Jokalari boliviarrak, ordea, ez zuen asma-

tu jaurtiketa egiterakoan eta baloia kanpora bota zuen.

Aukera hauekin guztiakin Aloñak atsedenera abantailarekin joateko modua zuen arren, husnako berdinketa ikusi zuten

Atsedenera abantailarekin joateko aukera izan zuten oñatiarrek

Datorren astean derbia Mondra eta Aloñaren artean; bi taldeak egoera oso onean daude

Azkoagainera hurbildu ziren zaleek.

2. ZATIAN GOLAK

Partiduko lehen gola 57. minutuan etorri zen. Unai Arregik, ezkerretik erdiratu zuen eta Robertok ondo errematatu zuen. Minutu batera, bigarrena iritsi zen. Robertok erdiratu eta Xabier Elgarrestak sartu zuen. Hirugarrena, atezainaren huts baten ondorioa izan zen.

Allerruk, area barruan izandako falta ez zuzen baten bidez, 3-1ekoa egin zuen Arregiren bitartez.

Partidua borobiltzeko, oñatiarrek beste bi gol egin zituzten. Aloñak dagoeneko 52 puntu ditu. Datorren astean derbi bizia izango dugu Aloña eta Mondraren artean, Atxabalpe zelaian.

PREFERENTE MAILA



ARTXIBOA

Pasaia baino hobeto aritu zen UDA, baina maldan gora jarri zitzaion partidua bigarren zatian.

Bat gutxiagorekin jokatu zuten bigarren zati osoa

PASAIA
2-1
UDA

A.G.

Partidu zaila izan zuten Felix Recioren mutilek Pasaian. Ondo jokatu zuten, baina epailearen erabaki aldrebesek eta Jon Iregiren lesio larriak partidua baldintzatu zuten hasieratik beretik.

Zelaira irten eta gutxira apur-tu zuen peronea Iregik. Ebakun-tza egin zioten domekan baina luzerako du UDAko defentsak.

PASAIK BI GOL JARRAIAN
UDAKoak aurrerratu ziren lehenengo markagailuan. Iker Orue-tak egin zuen gola 25. minutuan. Gutxi iraun zuen Aretxabaleta-koen pozak. Hamar minutu beranduago iritsi ziren etxeko tal-dearen bi gol ia jarraian. Pasai-tarrek erabakita utzi zuten nor-gehiagoka.

Nahiz eta benetan ondo joka-tu, Aretxabaletakoek ezin izan zuten markagailua txukundu. Gol aukera bat baino gehiago sortu zituzten baina ez zuten zor-tea alde izan. Epailea kontra ego-teak, gainera, ez zuen batere lagundu. “Aurretik ezagutzen dugun epailea da”, aitortu digu taldeko delegatu Javier Etxeber-ria *Fito*-k. “Aurreko batean

elkar ikusiko genuela mehatxa-tu gintuen eta Federaziora jo genuen epaile hori gure parti-duetara ez bidaltzeko eskatuz”.

GORRIA ARMENDARIZI
Lehenengo Unai Armendariz jokalaria kaleratu zuen epaileak txartel gorria erakutsita. Aretxabaletako jokalariai balaia jaurti zion Pasaiako jokalaria bati. Lehenengo zatia amaitu baino lehenago gertatu zen, beraz, joka-lari bat gutxiagorekin jokatu zuen UDAk bigarren zati osoa.
Ez zen UDAri epaileak adie-razi zion kanporatze bakarra. Hartutako zenbait erabakiren gainean kexa agertzeagatik Javier Etxeberria *Fito* delegatua ere kalera bidali zuen.

Idiazabal ez zen aurkari izan Arrasatekoendako

IDIAZABAL
0-2
MONDRA

A.G.

Partidu serioa egin zuen Arrasa-teko taldeak zapatuan Idiazabalen aurka. Horrela, garaipenaren hiru puntuak etxera ekarri zituzten. Oso gaintetik ibili zen Mondra.

BI GOL AURKARIARI
Agian denboraldiko partidurik serioena egin zuen Mondrak zapa-tuan. Zelaira irten eta gutxira egin zuten lehenengo gola Arrasate-koek. Rubenek egin zuen 8. minu-tuan.
Atsedenenaren aurretik beste bost gol aukera izan zituzten Gor-dobilen mutilek, baina ez zuten jaurtiketetan zorterik izan. Biga-rren zatian gogor zelairatu zen etxeko taldea baina gutxitan iri-tsi ziren Mondraren areara. Arra-satekoek lekua berriz hartu zute-nean iritsi zen Zubikarairen gola.

Emaitzak eta sailkapenak / Preferente maila

EMAITZAK		SAILKAPENA							
		Puntuak	J	I	G	B	GA	GK	
Real Union-Touring	1-2	1.Aloña Mendi	52	25	16	5	4	53	30
Pasaia-UDA	2-1	2.Ordizia	50	24	16	6	2	46	24
Orioko-Zestoa	1-2	3.Real Union	48	25	15	7	3	50	29
Aloña Mendi-Allerru	5-1	4.Zarautz	45	25	13	6	6	51	28
Idiazabal-Mondra	0-2	5.UDA	45	25	13	6	6	46	24
Beti Gazte-Berio	0-1	6.Pasaia	43	25	11	4	4	53	36
Mutriku-Irun 1902	1-5	7.Trintxerpe	43	24	13	7	10	43	32
Ordizia-Anaitasuna	4-2	8.Touring	38	25	11	9	5	36	33
Zarautz-Hondarribia	5-1	9.Mondra	37	24	11	9	4	38	27
Hernani-Trintxerpe	2-1	10.Mutriku	37	25	11	10	4	34	36
HURRENGOAK		11.Hernani	33	25	9	10	6	35	37
		12.Hondarribia	32	25	9	11	5	30	43
UDA-Touring		13.Berio	31	25	8	10	7	35	37
Zestoa-Pasaia		14.Zestoa	29	25	7	10	8	29	35
Allerru-Orioko		15.Anaitasuna	28	24	8	12	4	28	36
Mondra-Aloña Mendi		16.Idiazabal	27	25	6	10	9	26	40
Berio-Idiazabal		17.Irun 1902	21	25	5	14	6	32	51
Irun 1902-Beti Gazte		18.Beti Gazte	17	25	5	14	8	24	43
Anaitasuna-Mutriku		19.Orioko	17	25	3	14	8	28	61
Hondarribia-Ordizia		20.Allerru	14	25	3	17	5	20	55
Trintxerpe-Zarautz									
Hernani-Real Union									

Lehenengo Erregionala

Gol gehiago merezi izan zituen Bergarako taldeak

BERGARA
3-0
AUERRERA ONDARROA

Bergara | Sesma, Agirrezabal, Eldin (Ara-na, 51. min.), Arazkonaga (Urteaga, 79. min.), Nafarrete, A. Agirre, U. Agirre, Rodriguez, Casi-nillas (De Vega, 64. min.), Canas eta Crespo (Gallastegi, 79. min.).

Aurrera Ondarroa | Carmona, Burgoa I. (Reinado, 81. min.), Arantzamendi (Lopez, 74. min.), Louro, Badiola, Duarte, Batista, Amaio-bieta, Ibaibarriaga, Burgoa II. eta Lasarte.

Golak: 1-0, Canas. 2-0, Gonzalez. 3-0, Arana.

Larraitz Zeberio

Erraz asko irabazi zioten zapatuan Josu Zubiaren mutilek Ondarro-ako Aurrera taldeari. Sailkape-neko azkenaurreko postuan dago-en kostaldeko taldea ez zen arerio izan Bergarakoendako. Preferen-te mailara igotzeko helburua duen taldeak, beraz, beste urrats txiki bat eman du bide onean.

LEHEN GOLAK LUZE JO ZUEN
Nahiz eta Bergarak sortu gol auke-ra garbienak, tantorik gabe ama-tu zen norgehiagokaren lehen zatia. Atsedenaldiaren ostean,

ordea, egindako lana emaitzak ematen hasi zen.

54. minutuan egin zuen Cana-sek lehen gola Imanolen erdiratze bikainari esker. Bigarren tantoa ezker hegaletik egin zuen Asier Gonzalezek, 76. minutuan.

Ondarroarrak, bitartean, Ber-garakoen areara hurbiltzen saia-tu ziren, baina birritan besterik ez zuten atera jaurtitzea lortu eta huts egin zuten bietan.

Etxeko taldearen hirugarren eta azken gola amaierarako minu-tu bakarra falta zenean iritsi zen. Unai Aranak egin zuen David Canasek baloia aukeran jarrita.



JOSETXO ARANTZABAL

David Canasek egin zuen Bergararen lehen gola.

• LEHENENGO TERRITORIALA

Bergarako taldeak bigarren garaipena lortu du jarraian

Atsedenenaren ostean sendotu zuen aldeko markagailua Muniategiren taldeak

BERGARA
29-26
USURBIL

Bergara | Kapelastegi, Uribe (2), Larrañaga (4), Agirre (2), Sanchez (4), Otxoa, Pozo, N. Najera (2), I. Najera, Zabaleta (7), Lenisoro (2), Zarragitu eta Plazaola (6).

Usurbil | Aranburu, Urkia (3), Sarasola (5), Castro (5), Egues, Hernandez (2), Begiristain, Castro (1), Bengoetxea (6), Ponolarruda (2), Zugasti (1) eta Agudo (1).

Markagailua atsedenean: 13-10.



JOSETXO ARANTZABAL

Josu Zabaleta eta Mikel Larrañaga ondo aritu ziren, 7 eta 4 gol egin zituzten, hurrenez hurren.

Larraitx Zeberio

Usurbilgo taldearen bisita izan zuen zapatuan Lehenengo Territorialean dabilen Bergarak. Ondo aritu ziren etxekoak lehenengo zatian, baina atsedenenaren ostean lortu zuten markagailuan aldea sendotzea. Puntu baliotsuak eskuratu ditu taldeak txapelketa amaierara begira.

PARTIDU PAREKATUA

Maila berdintsuan aritu ziren bi taldeak. Lehenengo zatia parekatua izan zen, nahiz eta Bergarak aurrea hartu. Hiru goleko aldea izan zen handiena markagailuan.

Usurbilgoak ere garaipenaren puntuen bila etorri ziren Bergarara. Atsedeneko markagailua ikusita (13-10) urduritzen hasi

ziren eta epaileak bi txartel hori atera zizkion zarataka hasi zen entrenatzaileari.

BERGARA GAINETIK

Batez ere bigarren zatian jokatu zuten ondo etxekoek. Talde jokoa egin zuten erasoan eta ondo itxi zituzten zuloak defentsan. Aipatzekoa izan zen, aldi berean, Kapelastegi atezainaren lan ona.

Usurbilgoek, gainera, hamar minutu jokatu zituzten jokalaribat gutxiagorekin. Hauetatik lau bi jokalar gutxiagorekin.

Horrela lortu zuten Bergarakoek markagailuko aldea zabal-tzea. Sei puntuko tarte izatera iritsi ziren baina ezin izan zioten marka honi amaierara arte eutsi. Garaipen honekin sailkapeneko erdialdean jarraitzen dute.

• BIGARREN TERRITORIALA

Igoera fasetik postu bakarrera

ARRASATE ESKU BALOI
30-23
BKL CAF

A.G.

Zazpi goleko aldea atera zion zapatuan Arrasateko taldeak Tolosakoari. Ez zen partidugogorra izan Beñardoren mutilendako, nahiz eta parekatua izan norgehiagokaren lehenengo zatia.

Tolosarrak jarri ziren aurretik hasieran eta hiru goleko errenta zabaldu zuten. Laster lortu zuten, ordea, etxekoek markagailua berdintzea, baita Tolosakoei aurrea hartzea ere.

Bi goleko aldea zabaldu zuten Arrasate Esku Baloi taldekoek eta atsedenenaren aurreko hamar minutuetan errenta bost tantora zabaldu zuten. Abantaila horrekin iritsi ziren atsedenera.

BIGARREN ZATIAN GEHIAGO

Bigarren zatian bost goleko alde hori mantentzea lortu zuten. Azken unean alde hori zazpira zabaldu zuten Arrasatekoek.



JOSETXO ARANTZABAL

Arrasate 3. sailkatuta dago. Bi lehenengoak sailkatuko dira igoera jokatzeko.

Taldea lan ona egiten ari da denboraldi honetan. Hirugarren sailkatuta dago eta partidubakarra gelditzen zaio txapelketa erre-

gularra amaitzeko. Bi lehenengo taldeak sartuko dira igoera fasean. Oraindik badute aukurarik, beraz, Arrasatekoek.

• LEHENENGO TERRITORIALA

Ford Mugarrik berdindu egin du Urolaren aurka

UROLA
27-27
FORD MUGARRI

A.G.

28-28na berdindu zuten lehenengo itzulian lehenengo postuagatik lehian dauden bi taldeak, eta orain, bigarren itzuliko neurketan, 27na berdindu dute. Epailearen lanak zerikusi handia izan zuen emaitzan. Gogor hasi ziren Zumarragakoak, baina bigarren zatian aurretik jartzea lortu zuten Arrasatekoek. Nestor, Oier eta Valle bereziki ondo aritu ziren. Azken lau minutuak, baina, hiru jokalar gutxiagorekin jokatu zituzten Arrasatekoek eta berdinketarekin konformatu behar izan zuten.

• LEHENENGO TERRITORIALA

28-28 berdindu zuen Aloñak Leitzaranen

A.G.

Aloñak partidua eskasa jokatu zuen Leitzaranen aurka atzo. Atsedenera 14-17 aurretik iritsi ziren arren, azkenean ezin izan zuten emaitza mantendu. 2. zatiko 10. minutuan, Aitor Garciak min hartuta jokoa utzi egin zuen.

Emaitzak

MAILAZ MAILA

NESKEN EUSKADIKO TXAPELKETA

Barakaldo-Verkol Aloña 27-25

LEHENENGO TERRITORIALA

Bergara-Usurbil 29-26

Leitzaran-Arrikrutz Oñatiko Kobak 28-28

Urola Agip-Ford Mugarri 27-27

BIGARREN TERRITORIALA

Arrasate Esku Baloi-BKL CAF 30-23

GAZTE MUTILAK

Aloña Mendi-Gatz Museoa Jakion 22-38

Bergara-Urola 23-14

GAZTE NESKAK

Arrasate-Cometel Elgoibar 03-35

La Salle Legazpi-Verkol Aloña 15-23

Ereintza Aguaplast-Bergara atzeratua

KADETE MUTILAK

Groseko-Gatz Museo Jakion 38-17

KADETE NESKAK

Verkol Aloña-Kukullaga 10-21

• NESKEN BIGARREN MAILA

Eskoriatzak azken postua utzi nahi du

Eskoriatzako neskek ligari neurria hartu diotela dirudi. Zapatuan, etxekoan babesarekin, irabazi egin zuten. Dagoeneko 23 puntu dituzte

ESKORIATZA
51-47
FONSECA

Eskoriatza | Serrano (2), Gomez (2), Caceres (3), Calderon (6), Balzategi (2), Usabiaga (16), Soriano (2), Exposito (13), Etxeberria (1), Agirrezabaleta (4).

Fonsca | De Abajo (3), Barbarin (8), Mendiarioz (4), Pascal (7), Lekunberri (5), Sarriegi (1), Lusarreta (1), Ustarroz (1), Garcia (2), Vela (12), Monforte eta Urdiales.

Laurdenetako emaitzak: Lehenengo laurdena 5-9. Bigarren laurdena 22-16. Hirugarren laurdena 39-36. Laugarren laurdena 51-47.

Arantzazu Ezkibel

Eskoriatzako neskek ligako hirugarren garaipena eskuratu zuten zapatuan Fonsecaren aurka. Eskoriatzakoek beharrezko bi puntu eskuratu zituzten; izan ere, Fonseca puntu bat aurretik besterik ez zen sailkapenean. Orain 23 puntutara berdinduta geratu dira bi taldeak. Hala ere,

Eskoriatzak ez du azkeneko postua utzi, tantoen batez bestekoa dela-eta.

JOKOARI DAGOKIONEZ PARTIDU KAXKARRA

Partidua nahiko motel hasi zuten etxekoek. Erasoan indarra falta izan zuten, eta hori dela eta, lehenengo laurdenean 5 puntu besterik ez zituzten egin. Partiduak betiko bidea hartuko zuela ematen zuen.

Bigarren laurdenean, Eskoriatzakoak indarberrituta atera ziren. Joko bizia egin zuten; defentsan errebote asko hartuz eta erasora bizkor atereaz. Ixonek taula azpian eginiko lana aipatzekoa izan zen. Hala ere, bizitasun horrek askotan baloia galtzea eragin zion etxeko taldeari. Arin-negi ibili ziren eta baloi luzeak jaurtitzean, hauetariko asko galdu egin zituzten.

Hirugarren laurdenean, Fonscak defentsa asko aurreratu zuen; ia kantxa erdiraino. Horrek emaitza ona eman zien aurkariet, batez ere baloiak lapurtzerako orduan. Etxekoek defentsan arazo gehiago izan zuten; zulo asko



JOSETXO ARANTZABAL

Eskoriatzak etxekoan aurrean bigarren garaipena lortu zuen.

utzi zituzten eta errebotea harterakoan gaizki ibili ziren.

Hirugarren laurdeneko partziala 17-17 izan zen.

SASKIRATZE HIRUKOITZAK

Azken laurdenean, eskoriatzako neskak galduta ibili ziren. Jokoan beherakada izan zuten eta, ondorioz, aurkariet markagailuan aurretik jartzea lortu zuten.

Markagailuari buelta emateko, Yaizak sartutako jaurtiketa hirukoitzak beharrezkoak izan ziren. Saskiratze hauei esker, etxeko taldeak markagailuan berriro ere aurrean jartzea lortu zuen, garaipena eskuratuz.

Azken minutuetan, urduritasunagatik, etxeko jokalariei falta teknikoak adierazi zizkien epaileak. Hala ere, emaitzari eustea lortu zuten Eskoriatzakoek.

• SENIOR MUTILAK

Bergarak erasoan gogor jokatu zuen

CANDY BERGARA
67-56
IRUN BASKET

Arantzazu Ezkibel

Candy Bergarak sailkapenean 3. postuan dagoen Irun Basketi 67-56 irabazi zion zapatu iluntzean. Bergarakoek partidu serioa jokatu zuten Labegaraiaeta kiroldegian; aurkariari beldurrik gabe aurre eginez.

Horrela, lehen laurdenean 16-14 aurreratu ziren etxekoak.

Partiduko lehenengo zatia ona izan zen. Etxekoek banakako defentsa gogorra egin zuten aurkariari zulorik utzi gabe. Hala ere, joko gogorraren ondorioz, talde mahoneroak falta asko egin zituen.

ERRITMOA MOTELDU

Bigarren zatian, Bergarako ia jokalaria guztiek lau falta zituzten; ondorioz, jokoaren intentsitatea jaitsi egin zen.

Hala ere, aldeari eustea lortu zuten etxekoek. Erañak 21 tanto eta Moraisek 15 egin zituzten.



JOSETXO ARANTZABAL

Falten ondorioz, Bergarak erritmoa moteldu behar izan zuen.

• LEHENENGO MAILA

Liderraren kantxan irabazi egin dute Ford Mugarrikoek

CONSMETAL
88-92
MUGARRI ALKESA

A.G.

Zurututzaren mutilek marka handia egin dute asteburuan. Liderra den eta etxean bi urte galdu gabe zeramatzan Consmetal talde nafarra mendean hartu dute zapatuan.

Ez zen partidu erraza izan. Entrenatzailearen erabakiz, gainera, taldeko bost jokalarik egin zuten partidu ia guztia. Alartziak, Kintanak eta Gamarrak ez zuten atsedetik izan; Mallabiabarrenak segundo gutxi batzuk; eta lesio batetik osatu berria den Iñigo Biai-nek, berриз, minutu pare bat besterik ez.

AZKEN TXANPA BIKAINA

Neurketa oso berdindua izan zen. Markagailuko tarterik handiena bost puntukoa izan zen. Atsedenean atzetik ziren Arrasatekoak (49-44), baina azken minutuetako jaurtiketa libreak eta defentsan egindako lan ona erabakigarriak izan ziren azken emaitzan. Alartziak sei puntu egin zituen jarraian jaurtiketa libreetan, eta horrela aurreratu ziren markagailuan.

Ford Mugarrik, orain, hiru partidu jokatuko ditu etxean jarraian. Datorren asteburuan bi.

Emaitzak

MAILAZ MAILA		
LEHENENGO MAILA		
Consmetal-Mugarri Alkesa	88-92	
NESKEN BIGARREN MAILA		
Eskoriatza-Fonseca	51-47	
SENIOR MUTILAK		
Oiarso-Aloña Mendi	65-101	
Candy-Irun Basket	67-56	
SENIOR NESKAK		
Lasarte Oria-Aloña Mendi	48-37	
GAZTE MUTILAK		
Loiola-Araneta	78-46	
Aloña Mendi-Hernani Atletico	17-51	
Mugarri Alkesa-Goierri	75-46	
GAZTE NESKAK		
Aloña Mendi	atsedena	
Aldapeta-Eskoriatza	94-23	
KADETE MUTILAK		
Mugarri Alkesa-Zarautz	64-45	
Goierri-Aloña Mendi	129-29	
KADETE NESKAK		
Salletarrak-Eskoriatza	41-17	
Bergara-Berritek	81-20	

Eskola kirola

OÑATI

"Etorkizunean kirolari ona izateko asko entrenatu beharra dago"

Zapatuan, goizean goiz, Zubikoa kiroldegian zeuden gaztetxoak partidurako prest

Oñatin, neskak eta mutilak bananduta aritu ziren eskubaloian jokatzen

Gaztetxoek, oraingoz, kirolari famatua izatea baino ondo pasatzea dute helburu

Arantzazu Ezkibel

Zapatuan Oñatiko kiroldegian izan ginen gaztetxoek eskubaloian nola jokatzen duten ikusten. Goizean goiz iritsi ziren Zubikoara, ohetik jaiki berri, kirola egiteko prest. Hala eta guztiz ere, gazte hauentzat, partiduak jokatzea kirola egitea baino lagunartean ondo pasatzeko aukera paregabea da.

Guztiak pozik zeuden eskubaloian jokatzen; galdu edo irabazi, ez zuen axola. Ondo pasatzea eta gorputza mugitzea zen helburua.

LAGUNARTEKO GIROA

Gazte hauek kirolari famatuen kamisetak zituztenez soinean, ea eurak ere etorkizunean kirolari izan nahi duten galdetu genien. Gehienek baietz esan zuten; futbolariak izan nahi dutela. "Bai, niri Nihat bezalakoa izatea gustatuko litzaidake", esan zuen mutiko batek. Bazegoen saskibaloian aritzea gustatuko litzaiokeenik, eta baita Fernando Alonsoren bidea jarraitu nahi duenik ere.

Baina guztiek argi zuten kirola egitearen helburua ondo pasatzea dela. "Kirolaria izateko asko entrenatu behar da eta gu, oraingoz, lagunartean bakarrik aritzen gara". Nork daki, agian, etorkizunean kirolari profesional izatera iritsiko dira.



ARANTZAZU EZKIBEL

Pagoa. Ane, Nerea U., Nerea E., Ainhoa B., Maddi eta Ainhoa A. dira Pagoa taldea osatzen duten neskak.



ARANTZAZU EZKIBEL

Ametza. Maddi, Nerea, Jone, Julieta, Ana, Olatz, Miren eta Ainhoak osatzen dute Ametza taldea.



ARANTZAZU EZKIBEL

Udala. Gorka, Aitor, Josu, Aitor, Cristian, Julen, Iñigo, Mikel eta Martxel dira taldekideak.



ARANTZAZU EZKIBEL

Katabera. Julen U., Oier, Iñigo, Julen U., Iñaki, Haritz, Unai eta Mikelek osatzen dute Katabera taldea.

• GAZTETXOEK KIROLARI IZAN NAHI DUTE?



GORKA ETA MARTXEL | UDALA

"Guri autoekin ibiltzea gustatuko litzaiguke, Fernando Alonso bezala. Udan, ahal dugunean, kar-etan ibiltzera joaten gara. Baina hori ez da nahikoa, gehiago entrenatu beharra dago. Guk ondo pasatzearekin nahikoa dugu".



IKER | KATABERA

"Ni lagunekin kirola egin eta ondo pasatzera etortzen naiz. Hala ere, etorkizunean futbolaria izatea asko gustatuko litzaidake".



JULEN ETA IÑAKI | KATABERA

"Ronaldinho bezalako kirolari ona izateko asko entrenatu behar da eta guk, oraingoz, lagunartean bakarrik jokatzen dugu. Asko gustatuko litzaiguke futbolariak izatea baina gure helburua ez da hori".



AITOR ETA JULEN | UDALA

"Guri futbola eta saskibaloia gustatzen zaizkigu gehien. Futbolariak izatea asko gustatuko litzaiguke, ahal bada Nihat bezalakoak. Handitan Aloña Mendin jokatzea ere oso polita izango litzateke".

Iruditlan



JOSETXO ARANTZABAL

Gipuzkoako txapelketarako txartelak. Kanporaketen lehen fasea jokatu zen zapatuan Uarkapen. Gimnastaz eta ikuslez bete zen frontoia. Sailkatuen zerrenda apirillean ezagutuko da, 2. fasea jokatutakoan.



JOSETXO ARANTZABAL

Karatea. Ibarreko 92 partaide aritu ziren Oñatin katami eta kutami probetan. Onenak Gipuzkoako txapelketako finalera joango dira.

Ziorla Autoak



Zabaldu berria
Salmenta eta tailer zerbitzua

Musakola auzoa 21 (Roneo ondoan) ARRASATE

Tel: 943 77 01 44



BITTOR ARRIARAN | ARRASATEARRA, REALEKO BAZKIDEA

“Aitorri gomendatuko nioke berekoiago izateko”

Xabier Urtzelai

Berriz ere lelo bera: merezi ez baina galdu.

Ba, bai. Ondo jokatuta, jokalariek jarrera ona erakutsita, lerro guztietan lan handia egin da... Baina, opari bat egin eta partidua galdu. Horixe.

Oparia...

Lehenengo mailan ezin da Larreak egin zuen oparia egin, eta gutxiago Valentzia moduko talde baten kontra. Hasteko, huts handia egin zuen atezainaren aurrean izan zuen gol aukeran. Eta, horri gehitzen badiogu Valentziako aurrelariari eman zion pasea, ba... Pena da, lan handia egin zuelako. Baina ez zen opari bakarra izan, Valentziaren lehenengo golean Riesgok ez zuen bere zutoina ondo zaindu.

Orain jakin dugu West Ham United taldeak interesa agertu duela Aitor Lopez Rekartengatik.

Nik dakidana da Realak ez duela Aitor saldu gura izan. Horrek erakusten du Realarendako Aitor jokalaria garrantzitsua dela, eta baita ere kanpoan jokalaria hori baloratzen dutela. Eta badakit, baita ere, entrenatzaile berriarekin Aitor gustura dagoela.

Beste eskaintza bat izango balu, lagun moduan, zer gomendatuko zenioke?

Aitorrek badaki Anoetan badagoela sektore bat berari txistu egiteko gertu dagoena, eta joan den urtekoa berriro ere errepika daitekeela. Alde horretatik, esango nioke eskaintza on bat izanez gero berekoiago izateko, bere interesen alde egiteko.



XABIER URTZELAI

Anoetan edo Basati tabernako barraren atzean jarraitzen du Bittorrek Real.

Athleticek aurrerapausoa egin du Santanderren, eta Alavesek atzerapausoa Madril.

Arnasa hartzeko puntu oso garrantzitsuak eskuratu zituen atzo Athleticek, baina jokoa hobe-

tu beharko dute, Santanderren gol aukera bakarra izan zuten-eta. Oraindik lan handia dute egiteko. Alavesi dagokionez, nik uste dut presidente horrek duen jarra ikusita taldea dagoeneko Bigarren Mailan dagoela. Lehengo zuzendaritza taldekoak, Gasteizko instituzioak eta zaleak erantzule dira horrelako pertsona bati daukan boterea emateagatik. Alde horretatik, Pitermanek arrazoi du esaten duenean inork ez duela Alavesagatik berak baino gehiago egin.

“Pitermanek duen jarrera ikusita, Alaves Bigarren Mailan dago”

Harmailatik

Opari garestiena



Xabier Urtzelai

Larrea. Realeko erdilariari kostako zaio edozein jaiegunetan atzoko oparia baino garestia egitea. Futbola ez da justua, eta ez du zertan izan. Eta, ez da justua ordura arte jokalaria hori izan zelako Realaren birika, inork ez zuelako Vifararen hutsunea igarri, han eta hemen egin zuelako presioa (nahiz eta gol aukera garbia huts egin), eta lehenengo minutuak alde batera utzita, motzean bada ere, ondo atera zuelako baloia. Baina, atzera egindako pase batek bertan behera bota zuen ordura arte egindako lan ona. Izan ere, Realak ondo egin zion aurre Valentziari, ez ahaztu hori.

Arkonada. Realak entrenatzailea aldatu duenetik ez ditu partidua jarraian irabazi, datuek ez dute hori erakusten. Mallorcaren bisita eta gero (2-1), hurrengo bi norgehiagokak ez dira

nolanahikoak izan. Hala ere, joko mailan taldeak nabarmen egin du gora. Jokalari bakoitzak argiago du bere eginbeharra, hobeto kokatzen dira zelaian eta atzo, adibidez, Ligako talde erasokorrenetako baten aurrean defentsak neurria eman zuen. Konfiantza horrek emango du Betisen kontra garaipena.

Boterea. Azkenaldian lanpetuta ibili naiz. Futbol taldea sortu berri dut, zuzendari eta entrenatzaile lanak tartekatuz. Hainbat jokalaria fitxatu ditut, ondo ordainduta, eta zein entrenamendu behar duten erabaki dut. Berehala ezabatu ditut lehen zeuden jokalaria, eta nik erabaki dut jokalaria berriek non jokatu behar duten, eta noiz. Boterea igarri dut eskuetan, erabakitzeke ahalmen osoa. Baina jokatzeko hasi, eta taldea sailkapenaren putzuan ikusi dudanean bideojokoa itzali dut. *Game over*, Piterman.



Urzaiz

Gol aukera gutxi izanda, bestelako partidua egin barik, eta lehengo aurrelaria ez bada ere, Ismael Urzaizek urrea balio duen gola egin zuen atzo Santanderren.



Dmtri Piterman

Alavesko presidentek, oraingoz, ez du hemen agintzen. Horrenbestez, oraingo asteen ere bera izango da tarte honetan protagonista. Beste aste batez...

Emaitzak eta sailkapenak / Espainiako Liga Txapelketa

EMAITZAK

Racing-Athletic	0-1
Deportivo-Zaragoza	1-1
Cadiz-Osasuna	1-3
Malaga-Mallorca	0-2
Reala-Valentzia	1-2
Getafe-Athletic	0-3
Vila-real-Espanyol	4-0
Madrid-Alaves	3-0
Bartzelona-Betis	5-1
Sevilla-Celta	1-0

HURRENGOAK

Osasuna-Deportivo
Zaragoza-Bartzelona
Betis-Reala
Valentzia-Getafe
Athletic-Malaga
Mallorca-R.Madrid
Alaves-Racing
Athletic-Vila-real
Espanyol-Sevilla
Celta-Cadiz

SAILKAPENA

		Puntuak	J	I	G	B	GA	GK
1.	Bartzelona	55	24	17	3	4	58	21
2.	Valentzia	49	24	14	3	7	36	20
3.	R.Madrid	48	24	15	6	3	47	23
4.	Osasuna	46	24	14	6	4	32	25
5.	Sevilla	41	24	12	7	5	32	21
6.	Celta	39	24	12	9	3	25	25
7.	Vila-real	38	24	10	6	8	32	22
8.	Deportivo	37	24	10	7	7	32	26
9.	Athletic	35	24	9	7	8	30	23
10.	Zaragoza	33	24	7	5	12	33	32
11.	Getafe	30	24	8	10	6	32	32
12.	Racing	27	24	6	9	9	21	27
13.	Reala	25	24	7	13	4	33	46
14.	Espanyol	24	24	6	12	6	20	39
15.	Athletic	22	24	5	12	7	26	34
16.	Alaves	22	24	5	12	7	24	39
17.	Cadiz	22	24	5	12	7	18	33
18.	Mallorca	22	24	5	12	7	24	40
19.	Betis	22	24	5	12	7	21	37
20.	Malaga	20	24	5	14	5	28	39



Kinieles

KINIELES

1.	Vila-real-Espanyol	1
2.	Sevilla-Celta	1
3.	Cadiz-Osasuna	2
4.	Bartzelona-Betis	1
5.	Reala-Valentzia	2
6.	Getafe-Athletic	2
7.	Malaga-Mallorca	2
8.	R.Madrid-Alaves	1
9.	Racing-Athletic	2
10.	Levante-Murtzia	1
11.	Xerez-Numantzia	X
12.	Hercules-Castellon	1
13.	Sporting-Malaga	X
14.	Valladolid-Recreativo	2
15.	Deportivo-Zaragoza	X

Euskal taldeen asteko hamaikakoa



Sei hilabete egon da frontoietatik kanpo eta ikusmin handia piztu du bere itzulerak. 2005. urtea gogorra izan da Abel Barriolarendako. Orkatila bihurritu zuen

lehenengo, eta abuztuan eskumako eskua operatu zioten. Azaroan hasi zen entrenatzen, baina lau t'erdiko txapelketatik kanpo gelditu da; baita

binakako txapelketatik ere. Orain, ordea, kantxan dugu berriz ere. Itxura ona eman zuen astelehenean Tolosako Beotibarren. Atzo, Bergaran, beste horrenbeste.

ABEL BARRIOLA | PILOTARIA

"Hemendik aurrera, egiten dudana egiten dudala, kantxa barruan egiteko itxaropena daukat"

Larraitz Zeberio

Zer moduz zure bigarren partidua esku berriarekin?

Ez Beotibarren bezain gustura baina ez eskuak arazoak eman dizkidalako. Bergarako frontoia nahiko azkarra da eta tako askorekin aritu naiz. Ez zitzaidan eskua ondo sartzen eta pilotak beti behera egiten du horrelakoetan. Eskuak, behintzat, nahiko ongi erantzun du.

Pixkanaka, baina, konfiantza hartzen ari zara, ezta?

Bai, noski. Espero dut partidu batzuk gehiago jokatu eta laster %100ean jartzea. Horrela beharko luke behintzat.

Astelehenean Beotibarren jokatu-tako partidua ostean kritika oso onak jaso dituzu. Botika hori ez dute farmazietan saltzen, baina bikaina izango da, ezta?

Bikaina da, baina nire ustez kritikak, onak eta txarrak, neurrian hartu behar dira. Kritikorik onena norbera izaten da eta nire kasuan pozik gelditu nintzen. Eskua sendatuta daukada la ikusi nuen.

2005. urtea gogorra izan da zuretzat. Kantxatik kanpo buelta asko eman dizkiozu buruari?

Bai. Behin lesionatutakoan konturatzen zara nola askotan gauza txikiengatik mundu bat egiten duzun. Buelta asko eman izan dizkiot nik buruari joko maila txarrean egon naizenean, baina kirolari batendako gaitzik handiena lesionatuta egotea da. Orain, egiten dudana egiten dudala, kantxa barruan egitea espero dut.

Asmatu egin duzu kantxara itzultzeko momentua aukeratzen.

Kantxara segurtasun batekin ateratzea gustatzen zait. Oraindik, noski, konfiantzaz eta jokoz ez nago % 100ean, baina argi dago hobetzeko modu bakarra partiduak jokatzea dela. Lau t'erdikotik eta binakako txapelketatik kanpo gelditu naiz. Hainbeste denbora geldirik egonda bane-kien, txapelketa guztien gainetik, garrantzitsuena eskua ondo jartzea zela. Errekuperazioa uste baino luzeagoa izan da, baina eskua nola gelditu den ikusita agian sei hilabete galdu beharrean hiru irabazi ditut.

Antza, eskua ondo duzu. Orain zure maila berreskuratu behar duzu. Gogorra izango delakoan zaude?

Bai. Egia da urte oso onak izan nituela, baina orain badaude hiru bat pilotari besteen gainetik daudenak eta esan liteke ni pixka bat atzeratu egin naizela. Horiengana hurbildu nahi badut lan asko egin beharko dut. Ez dakit lortuko dudana, baina saiatu egingo naiz.

Zein sentsazio duzu, zure ibilbidea berriz hasten dela edo hori gehiegia esatea da?

Ez dakit. Egia da ilusio berri batekin nagoela. Ez dakit etorkizunean zer gertatuko den, baina ebakuntza eskuetatik gehiago ez sufritzeko egin dut.

Egia da eskumako eskua operatu aurretik denetarik probatu duzula (masajistak, sorginak...)?

Horrela da. Ebakuntzarena ez nuen entzun ere egin nahi. Enpre-

sako medikuak aipatu zuen lehenengo eta denetik probatu dut ebakuntza-gelan sartu aurretik. Ez nuen, ordea, emaitzarik lortu. Azkenean, ebakuntza egitea erabaki nuen. Ez zidan grazia handirik egiten, baina ez nuen beste erremediorik izan.

Abel Barriola prest duzu, orduan, berriz ere bere mailarik onena emateko?

Saiatuko naiz! Lehen esan dudana moduan hiru bat pilotari daude besteen gainetik, eta txapel baten hautagai izateko multzo horretan sartu beharra daukat. Momentu honetan ez nago maila horretan eta lehenengo multzo horretan sartzen saiatu behar dut. Oso zaila izango da urtetik urtera lehiakortasun handiagoa dagoelako, baina nik nire aldetik dena emango dut. Niregatik eta atzean ditudan zaleengatik.



JOSETXO ARANTZABAL

Abel Barriolak 27 urte ditu. Urte gogorra izan du, baina atzean gelditu da.

22-17 irabazi zuten atzo Eugik eta Barriolak

Ez zen partidu ikusgarri horietakoa izan, baina aspaldiko partez Abel Barriola bertatik bertara jokoan ikusteko aukera izan genuen Bergaran. Eugirekin batera aritu zen gorritz eta mendean hartu zituzten Chafee eta Goñi III.a. Partidua gorriek irabazi baino urdinek galdu zuten. Chafee nahiko makal aritu zen aurrealdean.



• DORLETAKO AMA TXIRRINDULARI ESKOLAREN AURKEZPENA

36 TXIRRINDULARI ARITUKO DIRA LAU TALDE TAN BANATURIK

Leintz Gatzagako txirrindulari eskolak zapatu goizean egin zuen 2006. denboraldiko taldeen aurkezpena.

Lehenengo lore eskaintza egin zuten Dorletako Amaren santutegian. Jarraian, argazkiak atera zituzten herriko plazan, eta azkenik, aurkezpen ekitaldia egin zuten kultura etxean.

Lau taldetan banaturik 36 txirrindularik osatzen dute aurtengoan eskola, tartean bi neska. Errepideko bizikletan infantilekin eta gazteak arituko dira. Mendi bizikletako sailean, berriz, kadeteak eta seniorrak.



JOSETXO ARANTZABAL

Labur

Markel Blanco Euskadiko txapeldun

Gazte mailako Euskadiko txapelduna dugu atzo ezkerro Markel Blanco lasterkari arrasatearra. 6.300 metroko proban hartu zuen esku Lasarten eta bera izan zen bere mailakoen artean azkarrena. Sergio Garcia oñatiarra bigarren sartu zen helmugan.

"Oso pozik nago emaitzarekin", adierazi zigun Markelek proba amaitutakoan. "Haize handia zegoen eta tropelean egin ditugu lehen metroak. Gero, nagusien erritmoa mantentzea lortu dut. Seigarren sartu naiz helmugan, nire mailan lehenengoa".

KULTURA Aisialdia eta Zerbitzuak

- Turboamor taldeak emanaldia egin zuen egubakoitzean Arrasateko Gure Lekun | 23
- Agirre eta Arzallus bertsolariek 80 lagun inguru eroan zituzten afaltzera Bergarako Artatsera | 24

Oscar Candendo
organo-jotzaile
antzuolarrak itxi
zuen zapatuan
organo jaialdia | 26

CREEDENCE CLEARWATER REVIVALEN KLONIKOAK



JOSETXO ARANTZABAL

Talde kloniko honekin bost urte eta ehunka kontzertu egin dituzte katalanek. Egubakoitzekoa Euskal Herriko lehena izan zen.

SWAMP FACTORY | FIDELTASUN SINESTEZINAREKIN, CREEDENCE CLEARWATER REVIVAL TALDEAREN ABESTI EZAGUNENAK JO ZITUZTEN

Oscarren ahotsak lagunduta, talde mitikoa berpiztu dutela eman zuen

*Creedence
amerikarren
tributu taldeak jo
zuen egubakoitz
gauen Arrasaten.
Bertsioak egiteaz
haratago,
kaliforniarren
musika eta
izpiritua
berpiztea lortu
zuten Swamp
Factory taldekoek*

Jon Berezibar

Simulazio lana ondo baino hobeto egin zuten egubakoitz gauetan Swamp Factory taldekoek. Katalan hauek sortutako tributu taldea ez da zaletu hutsek osatutako banda, musikari profesionalen proiektua baizik. Eta nahi eta nahi ez, hori guztia soinu naba-ritzen da, ezin hobea izan zen-eta. Beti egongo da izorratzeko gogoa duen puristaren bat edo akatsik txikiena ere barkatzen ez duen zale porrokatutik, baina Creedence taldearen abestiekin gozatu eta zuzeneko talde on bat ikusteko asmoekin joan zirenek ez zuten iruzurrik jaso.

Bluserako, rockerako edo garai bateko countryrako joerak

erakutsi zituzten Creedencekoek euren ibilbide aberatsean, eta estilo horiek guztiak menderatu eta behar bezala jotzen jakin zuten Swampekoek. Omenaldi polita izan zen zaleentzat, edota, zergatik ez, Creedence taldea aitaren disko zaharretatik ezagutzen zutenendako ere. Izan ere, nahiz eta *revival* talde batez hitz egiten ari garen, 3.60 aretoa bete zutenen adinaren batez bestekoa gertuago egon zen 30etik 50etik baino, zale naturalen adina izan daitekeena gutxi gorabehera. Hala eta guztiz ere, gazteak bai, baina Creedence Clearwater Revivalen errepertorioa ezagun zuten gehienek; hori berehala antzematen zen abesti entzune-
nen lehen akordeak igarri bezain

laster jasotako txalo eta txistuei erreparatuz. Giroa poliki-poliki berotzen hasi zen eta amaierarako ikusleek erantzun zuten.

**Profesionalak
direnez, teknikoki
akatsik gabea izan
zen emanaldia**

**Ondo jakin zuten
Creedencen estilo
ezberdinetara
moldatzen**

AHOTSAREKIN ASMATU ZUEN
Kaliforniako laukotearen ibilbidearen begiratu zabala egin zuten Swampekoek emanaldian, baina bereziki aipagarriak izan ziren Creedencen alde blueseroena agertzen zuten abestiak. Horietan modu berezian nabarmentzen zen Oscarren ahotsa, puntu batzuetan Fogertyrenarekin erraz nahas zitekeena: imitazio aparta. Taldearen sinesgarritasuna, ziur asko, kideen profesionaltasunaz gain, abeslariak lortutako mimetismoan dago, Fogerty bera pare-parean zegoela sinistarazteraino. Zerbaitegatik deitzen zaie Swamp Factory moduko taldeei kloniko, eta ez imitatzaile; sinesgarritasun osoa lortzen dutelako izango da.

CREEDENCE CLEARWATER REVIVALEN KLONIKOAK

OSCAR TUGAS | ABESLARIA ETA GITARRA-JOTZAILEA

“Gaur egun, uste dut, bertsio talde batek izan dezakeela irteera komertzial handiagoa”

Jon Berezibar

Koadrodun alkandora eta cowboy kapela jantzita, Oscar Tugas katalana John Fogerty, Creedenceko *frontman* ezagunaren praktetan sartzen da zuzenekoetan. Bost urte daromatza taldearekin batera Creedencekoei ohore egiten.

Taldea, espresuki, Creedencen abestiak jotzeko batu zenuten?


Funtsean amerikar rockaren talderik handienetakoari egiten diogun ohorea da. Entzule moduan gogoko dugu euren musika, eta oso barnean daramagu euren eskola, musika amerikarraren ondarea, Mississippiko bluesa edota hegoaldeko rock-and-roll taldeekin batera. Guk bestelako bandetan ere jotzen dugu, ia guztiok egin dugu ibilbide luzea musikan, diskoekin eta guzti, errepidean urteetako esperientzia handiarekin.

Hala ere, klonikoen kontu honekin inoiz baino gehiago mugitu ahal izan zaretela ematen du, ezta?

Ia Espainiako Mediterraneo-ko inguru guztia zeharkatu dugu eta Mallorca, Alacant edota Barzelona aldean egon gara gehien, Andaluziatik Andorrraraino ibili garela esan daiteke.

Badirudi, gainera, Katalunia aldean badagoela tributu banden zelanbaiteko goraldia.

Gaur egun, edozein musikari, jotzen hasteko, estilo baten edo bestean sartzen da, nondik ikasia izateko. Hori izan daiteke arrazoietako bat, baina ez dut uste Barzelonakoa moda kontu hutsa denik, bestela ez luke iraungo guztiak hainbeste urte, dagoeneko sendotutako makina bat talderekin. Horietako askok ia banda originalaren soinu bera lortu dute, eta badira ia hamar urte hau abian dela; eta haziz gainera. Beraz, sarri errazagoa izaten da abesti berriei baino bertsioekin arrakasta izatea?



JOSETXO ARANTZABAL

Fogertyren ahotsa maisuki imitatzen du Oscarrek.

Baiezkoan nago, egia esanda. Gaur egun irteera komertzial handiagoa du bertsio talde batek originalak baino, zirkuituen aldetik batez ere. Oraindik badago lelokeria puntu bat taldeak etiketatzeko eta jendeak oraindik sudurra okertu egin ohi du gauza ezberdinen aurrean. Are gehiago, 80ko hamarkadako taldeen bertsioak, demagun Radio Futurarenak, hobeto sal daitezke disko originalak baino, abestiak

ezagunak direlako eta jende guztia dagoelako entzuteko prest. **Musikarekiko interesik ez dagoelako edo antzinako banda handi horietakorik ez dagoelako gertatzen da azaldutakoa?**

Alde batetik, esan beharra dago Creedencek sekula ere ez zuela Espainian jo; eta kontuan hartzekoa da talde klonikoak musikari profesionalek osatzen dituztela eta soinu aldetik ere ikaragarriak direla, askoz ere merkeagoak izateaz gain, noski. Banda handiek eskola sortzen dute eta handik askok edan dugu. Eten ez den katea da. **Irudia ere zaintzen duzue?**

Bai, baina guretzat erraza da, horrela janzten gara-eta egunero. Galtza bakeroekin, alkandorarekin eta botekin. **Jende nagusiagoa joan ohi da tributu kontzertu hauetara?**

Batez bestekoa 40 urtetan egongo da. Jarraitzen gaituztenek binilozko diskoetatik ezagutzen dute musika hau. Baina jende gaztea ere egoten da, abestiak ezagutu bai baina Creedencenak direla ez dakitenak. Talde oso ezaguna da.

• ITXURAK BAINO ASKOZ GEHIAGO



HEGOALDEKO DOINUAK. Creedence Clearwater Revival taldearen etapa ezberdinak islatu zituzten kontzertuan Swampekoak. Horietako bat taldearen alderdi *blueseroena* izan zen. Cowboy kapera buruan eta gitarra akustikoa soinean *Bad Moon Raising* moduko abesti asko ezagunak jo zituzten Oscar eta konpainiak.



GOZATZEN ETA GOZARAZTEN. Musikari baino lehenago musikazale dira katalan hauek, eta euren talderik gogokoenaren abestiak jotzen asko gozatzen dutela begi-bistakoa zen. Swampekoak ondo eta ikusleak ere ezin hobeto, eszenatokiaren aurrean gozatuz. Gehienak, ohi ez bezala, gazteak izan ziren gainera.

Tributu bandak, Katalunia aldetik datorren *revival* sukarra

Katalunia aldean oso ohikoak eta ezagunak dira rock-and-rollaren historiako talde ezagunen banda klonikoak eta tributu taldeak. Horietako bat da Swamp Factory, Tinglados Management enpresa sustatzailearentzat jotzen duena. Benetako pagotxa aurkitu dute Tingladoskoek klonikoen kontura, eta dagoeneko Katalunian oso ezagunak dira Abbey Road, Beatlesen imitatzailerak edo Perfect Strangers, Deep Purple-en “klonak” diren taldeak. Askok dagoeneko diskoak grabatu dituzte (hori da Swamp Factorykoen etorkizuneko asmoetako bat).

Ezagunak izateaz gain, arrakasta itzela lortzen ari dira tributu bandak. *Revival*aren sukar honetaz aprobetxatuta urtero Alcoi hirian banda klonikoen jaialdia antolatzen dute eta 20.000 lagun baino gehiago batzera heltzen dira. Eszenatoki berean batera ikusi ahal izaten dira gau horretan U2, Rolling Stones edo Dire Straits taldeak, beste askoren artean. Moda baino gehiago ere bada, talde asko bertsioak egiten 10 urte baino gehiago ari dira-eta.

“Amerikar rock-and-rollaren talde handienetarikoari egiten diogun ohorea da funtsean”

“Tributu banda askok originalaren soinu bera lortu dute ia, profesionalek dira”

“Dagoeneko talde kloniko asko daude guztiz sendotuta daudenak eta arrakastarekin”

“Gazte askok abestiak ezagutu bai, baina ez dute jakiten Creedence taldearenak direla”



JOSETXO ARANTZABAL

Birziklatutako materialekin egiten dituzte Mairu taldekoek jantziak.

Irudimenez jositako latorrizko erregearen komedia atsegina

Mairu antzerki talde amateurrek 'Erregea, soldadua eta bufoia' lana aurkeztu zuen; sormen eta umorez jositako obra

Non. Arrasateko Gaztetxean.
Zenbat jende. 30 bat lagun.
Iraupena. Laburra izan zen, hiru ordu laurden iraun zuen.

Larraitx Zeberio

Bera, Lesaka eta Irungo antzerki zaletuek osatzen dute egubakoitz gauean Arrasateko Gaztetxean egon zen antzerki taldea. Zaletuak izateaz gain, irudimenez larri ez dabiltzala ere erakutsi zuten, obra eurek idatzia eta pres-

tatukoa da-eta. *Erregea, soldadua eta bufoia* zeukan izena antzezlanak eta hiru ordu laurden entretenigarri eskaini zizkieten gaztetxera bildutakoei.

Lurraldeak konkistatzen dituen Errege baten istorioa dakar antzezlanak. Modu umoretsuan eta ikusleen partaidetza osoarekin, hiru pertsonaien gorabeherak jasotzen ditu obrak. Ikusleek barrez hartu zituzten euren jokoak eta parte-hartze proposamenak. Izan ere, ikusleekin izan zuten hartu-eman hori izan liteke alderdirik azpimarragarrienetakoa.

IRUDIMENA ATREZZOAN

Bestea, atrezzo eta jantziak sortzeko erabilitako irudimena da, zalantzarik gabe. Birziklatutako tresnekin modu originalean aurkeztu zituzten jantziak eta tresnak: kuboekin, abatz-estalkiekin eta parean aurkitutako objektuekin, erregeari ez zitzaion ez tronurik ez koroarik falta izan.

Irakaspenik ere badauka antzezlanak; izan ere, hamaika lorpen eta konkistaren ostean, erregea egindakoaren zentzugarriak jabetzen da eta bufoi bihurtzen du bere burua. Ipuin antzean, beraz, istorio komiko polita aurkeztu zuten Bidasoa aldeko amateur hauek. Sortu berria da taldea, urtebete pasatxo besterik ez dabilta batera, baina lan polita egiteko gai dira.

Elgetako gaztetxearen 10. urtemugako ekitaldiak prestatzen hasi dira

Urteurrena ospatzeko hitzaldiak, kontzertuak, umeendako jolasak eta tailerrak antolatu dituzte, besteak beste

Monika Belastegi

Elgetako gaztetxea okupatu zutela hamar urte beteko dira martxoan. Hala, urtemuga hori ospatzeko ekitaldi sorta zabal antolatu du Elgetako Gazte Asanbladak. Asteburuan, dagoeneko hasi dira urtemuga iragartzeko kartelak jartzen herriko kaleetan, eta baita herritarren artean pegatinak banatzen ere.

Ekitaldiak datorren egubakoitzean hasiko dira, Inauterietan batera. 22:30ean, Muted eta Bide bat taldeen kontzertua egongo da gaztetxean. Gainera, Inauteriak izanda, apainduta egongo da gaztetxea; baita asanbladako kideak moztortuta ere. Kontzertuaren ondoren, trikitilariak jardungo dute kaleko giroa alaitzen.

Bi hitzaldi ere antolatu dituzte: bata martxoaren 3an

izango da eta 24an, bestea. Palestina eta Panama herrialdeen egoeraren gaineko hitzaldiak izango dira seguru asko, nahiz eta oraindik erabat zehazteke dauden, Gazte Asanbladako kideen esanetan.

Martxoaren 4a Umeen eguna izango da, eta egun guztian herriko txikienendako jokoak egongo dira eta baita bazkaria ere. Martxoaren 10ean, berri, gaztetxearen hamar urteen gaineko mahai-ingurua egingo dute. Horretarako gaztetxetik igaro diren lagunak gonbidatu dituzte.

EGUN HANDIA MARTXOAREN 18AN

Martxoaren 18an ospatuko dute urtemuga eguna. Horretarako egun osoko jaia antolatu dute. Besteak beste, trikipoteoa, bazkaria eta The Uskis eta DJ Bullekin kontzertuak izango dira.



JOSETXO ARANTZABAL

Mozortortuta aritu dira asteburuan kartelak jarri eta pegatinak banatzen.

Jaso du saria Jose Ramon Vitoria

V. Donostiako Orfeoia-EHU saria jaso zuen zapatuan. Biei ala biei, "benetako eskerrak" eman zizkien

Monika Belastegi

EHUko Barriola eraikineko auditoriumean jaso zuen saria Jose Ramon Vitoria irakasleak zapatuan. Alboan zuen beste saritua,

Jose Luis Ansorena musikologoa, eta Donostiako Orfeoia-aren doinuak ere sari-ematearen lekuko izan ziren.

Esker hitzekin batera, erakundeei dei egiteko aprobetxatu zuen Jose Ramon Vitoria bere hitzaldia. Izan ere, musika-hezkuntzan behar bereziak dituzten pertsonekin lan egiten du, eta lan horri esker lortu du saria. Mota bateko edo besteko gutxitasuna duten 15 lagunekin egindako lana tesi batean batu zuen iaz, eta hari esker doktore bilakatu da Vitoria.



Ansorena eta Vitoria zapatuan jasotako oroigarriekin.

ARGAZKI PRESS

ROCKA | EMANALDI BEREZIA EGIN ZUEN LAUKOTEAK GURE LEKU TABERNAN

Hobea motza eta ondo aprobetxatua, denbora luzez jotzen aspertzea baino

Ondo entseatutako kontzertu intimista izan zen egubakoitzean Turboamorrekin egindakoa

Patxadaz dabiltza, Gure Leku tabernan egindakoa taldearen hirugarren kontzertua izan zen

Non. Arrasateko Gure Leku tabernan.
Zenbat jende. 50 bat lagun.
Iraupena. Hiru ordu laurdenez jo zuten tabernako lagun giroan.

Jon Berezibar

Gauerdia gerturatzen zihola ekin zioten Turboamorrekoek euren hirugarren zuzenekoari. Musika berezia egiten dute (Arrasaten bai behintzat) eta, horregatik agian, askotarikoa izan zen Gure Leku tabernan batutako jendea. Gazte eta ez hain gazte, giro ezberdinetakoak, poliki-poliki taberna betetzen joan ziren. Talde nahiko heterogeneoa da Turboamorrekoa, bluesetik edota rocketik datozen partaideekin, eta horretan oinarritu daiteke euren ukituaren berezitasuna. Popa oinarri, gitarra trinko eta atmosferikoak bilduta, emanaldi ilunzale eta trinkoa egin zuten, abestiz abesti aurrera egin eta urduritasuna desagertzera koan, gorputza hartzen joan zena. Hitz intimista eta ondo lotuekin, giro bitxia sortu zuten tabernan. Surfin' Bichos edota Lagartija Nicken oihartzunak entzun zitezkeen, baina handik haratago badute izaera propioa, beti kanpoko erreferenteen bila ibili beharrik gabe. Honetaz gain, argi geratu zen entsegu aretoan orduak eta orduak egin dituztela, oso prestatuak eroan zituzten eta abestiak.

IKUSLEAK ERE POZIK

Hori izan zen, behintzat, tabernan suma zitekeena, hau da, taldeak eskaintzen dituen zuzeneko urrien zain bazegoela jendea. Izan ere, hasiera baten ordu erdiko emanaldia egiteko asmotan zebiltzan, baina errepertorioa amaituta, jendea gehiagoren eske hasi eta beste ordu laurden egin zuten. Amaitzeko, gainera, abesti berri bat ere aurkeztu zuten, opari modura-edo, eta bertsiorik ezean, euren abestirik eza-gunena jo zuten berriz. Saioa laburra izan bazen ere pozik zegoen jendea eta taldekoek ere hori nabaritu zutela ikusi zen. Gehiago jasotzeko gogoarekin geratu zen nor edo nor, baina hobea

to laburra eta ona luzea eta eskasagoa baino. Izan ere, motza baina ondo aprobetxatutakoa izan zen emanaldia, ongi prestatua eta txukun joa. Taldeak bere erritmoa dauka, lasaia agian, baina euren gura duten modukoa. Eta poliki-poliki hartuko diote zuzenekoari ere zaletasuna. Nahiz eta euren horri lehenetsunik ez eman.

Orotara, polita da korrante nagusitik aldentzen diren musikei ere tarte egiten zaiela ikustea, aberastasuna badagoela. Turboamorrekoek ere hori badakite, eta bakoitzak bere lekua izan dezakeela. Lan polita egin zuten egubakoitzean. Ea hurrengorako gutxiago itxaroten duten.

XUXE | ABESLARIA ETA GITARRA-JOTZAILEA

“Gustuko dugun musika egiteko elkartzeko gara, zuzenekoak beste gauza bat dira”

J. B.

Turboamor proiektuaren alma matera da Xuxe. Lehen maketa berak grabatu zuen 97an eta horrek eman zion hasiera taldeari. Ostean errekrutatutako zituena gainontzekoak.

Danbakan aurkeztu zinetenetik, hau da zuen lehen kontzertua?

Bai, hala da, zail izaten dugu eta guztiok zuzenean jotzeko biltzea. Gainera, taldea ez dugu zuzenekoetarako sortu, gusta-

tzen zaigun musika egiteko aitzakia moduan baizik. Bakoitzak bere gauzak ditu eta ez da hain erraza.

Zeuk abiarazi zenuen taldea, ezta?

Bai, nik egindako maketa batekin hasi nintzen, eta Arrasaten egiten den musikaren nahi-ko ezberdina zenez jendearen bila hasi nintzen.

Hala ere, entseatzeko gehiago geratzen zarete, ezta?

Batzutan astean behin elkartzen gara eta beste batzuetan ezta hori ere, une bakoitzaren araberrakoa da.

Eta etorkizunean estudiora joateko asmorik baduzue?

Ez momentuz, gure asmoa eta nahia jotzea da batez ere, eta gorputzak eskatzen diguna egiten dugu. Noizbait grabatzea erabakitzen badugu, orduan egingo dugu, baina oraingoz ez daukagu horretarako asmo berezirik. Egia esan, ez daukagu asteburuero kontzertuak egiteko kanpora irteteko gogorik. Guk gustuko duguna egiten dugu, nahiz eta hemen inguruan horrelako musikarik ez den egiten. Dene-tarik dago eta jende asko dabil



JOSETXO ARANTZABAL

Egubakoitzekoa izan zen Arrasateko taldearen hirugarren kontzertua.



Xuxe, Turboamorren bultzatzailea.

musikan, alde horretatik askotariko eskaintza dago eta egoera ona da Arrasatekoa. Jende askok entseatzen du. Gaztetxe ingurura gerturatzea besterik ez dago hori ikusteko.

LAN ESKAINTZA

Bergarako
Depor tabernan,
**ZERBITZARIA
EDO SUKALDARI
LAGUNTZAILEA**
behar da.

Interesatuok deitu:
629 26 88 51

**TOKI
ALAI
TABERNA**

**Karajiloetan
espezializatua**

Tel.: 943 71 47 29
ESKORIATZA

**Hemen
GARBIKETAK**

Garbiketetan
profesionalak gara

www.hemen-garbiketak.com

Intxaurtxueta 16 behea
ESKORIATZA
Tel.: 943 71 48 45
Faxa: 943 71 30 58



**Hirusta
Jateetxea**

Ilargi plaza 4
943 79 06 57
ARETXABALETA



JOSETXO ARANTZABAL

Konter-ekoek ere ekarpen berrieekin datozela erakutsi zuten, malgutasun handiarekin.

Euskal metalean indartsu aurrera doan taldea da Biok

Maketarekin interesa piztu zuten eta lehen diskoarekin izena hartzen hasi dira; baina, tamalez, jende gutxi animatu zen

Non. Oñatiko Gaztelekuan.
Zenbat jende. 30 bat lagun.
Iraupena. Hiru orduko jaialdia osatu zuten bi taldeek.

Asteleheneko Goienkaria

Konter bizkaitarrek gogor ekin zioten gauari. Ikusle gutxirekin baina gogoz beteta metal eta trash indartsuenekin astindu zituzten Oñatiko Gaztelekura zapatuan gerturaturiko lagun bakanak. Euskal heavy-rockean oinarri

sendoa dutenez metalari tinko eman zioten, gitarra deskarga gogorrekin amorru guztia ateraz. Lokalean grabatutako maketa bakarra dute oraindik kalean, baina lan egiteko gogoa sobera dutela ematen du. Maketa lan hori ezagutarazten eta taldeari *rodajea* ematen ari dira orain, esperientzia lortze aldera. Itxura, ez daukate batere txarra.

DISKO BERRIA

Maketen garaiak gaindituta, berriki desagertutako Metak diskoetxearekin atera zuten estre-

nako diskoa Biok galdakoztarrek. Lehen maketarekin zere-sana piztu zuten bizkaitarrek euskal metalaren munduan, eta asko itxarondako diskoa izan da iaz kaleratu zutena. Zuzenekoetan, ostera, betiko planta eta indar bera agertzen dute. Metalean aurrera gogor ari dira egiten Biokekoak, eta euskal talderik indartsuenetakoa bat dela argi eta garbi utzi zuten beste behin ere.

Metala euskal taldeetan oso zabaldurik badago ere, haize berriak dakartzate Galdakao eta Usansolo inguruetatik. Zuzeneko bikainak bermatzen du diskoa eta, tamalez, Gaztelekuko ikusleek ez zuten erantzun. Iaztik kalean dute *Margo Debekatuak* lan indartsua.

Piztiak taldeak bigarren ez bisitatu gaitu aurten 'Euriaren zain' lanarekin

Elgetako Espaloian aritu ziren ondarroarrak egubakoitzean. Bideoz lagundutako emanaldia egin zuten

Naiara Larrañaga

Betiko rock doinuak erabat alboratu barik eta euren kantu sakonei eutsiz, *Euriaren zain* ikuskizuna aurkeztu zuen Piztiak taldeak Elgetan. Betiko jarraitzaileek egin zieten ondo-etorria Espaloian ondarroarrei: Txomin Uribe (gitarra eta ahotsa), Josu Aranbarri (baxua eta ahotsa), Peio Larrañaga (bateria) eta Jose Lastrari. Hiruko lez ari diren arren, Lastra eta Josu Eizagirrerri zor diete, hein handi baten, *Euriaren zain* ikuskizunaren pisua. Lastra soinu-teknikari lanetan ari da eta Eizagirre, berriz, bideo-sortzaile. Kanta bakoitza irudiz laguntzen dute piztiak zuzenekoan; pantaila handi baten aldioro erakutsi zituzten kantein lotutako irudiak eta bideo-klipak. Begiak eszena-

tokira ordez pantailara ere joateko moduko irudiak, askotan.

Ordu eta berrogei minutuko zuzeneko izan zen eta bost abestiko bisa ere egin zuten gainera. Zuzeneko ona eta kontzertu atsegina eskaini zuten. Kanta zaharrak eta azkeneko lanean bildutakoak, *Euskadi Gaztean* entzuten direnak, jo zituzten ondarruarrek.

LAUTIK HIRURA ETA BOSTERA

Lautik hiru kide izatera pasatu dira Piztiak lan berrian. Baina bi lagun berriren laguntza ere izan dute *Euriaren zain* ikuskizuna osatzeko orduan. Durangon aurkeztu zuten euren azkeneko lana eta han jasotzen da ikus-entzunezko arloan egindako lan osotua. Ondarroako kafe Antzokian 2005eko maiatzaren 28an egindako kontzertua ere jasotzen da DVDan.



JOSETXO ARANTZABAL

Elgetan aritu ziren, Debagoienan aurten bigarren ez, Piztiak taldekoak.

Arzallus, Agirre eta beste 80 lagun

Bergarako Artatse elkarteak urtero egiten duen bertso afaria izan zen zapatuan; dagoeneko zortzigarrena

M.B.

Bata, gaztea, eta bestea, adinekoa. Amets Arzallus eta Joxe Agirre, hurrenez hurren, eta horretxek eman zien, eurenetik abesteko

aukera: gaztetasunetik zahartzarora, eta alderantziz. Beste makina bat gai ere hartu zituzten bertsoan egiteko: presoak, gaur egungo aurrerapenak... Eta Bergaran egonda, Debagoieneko gaiak ere bai, tranbia eta bestelako azpiegiturak, esaterako.

Zortzigarren urtez egin dute bertso afaria Bergarako Artatse elkartearen eta harrera ezin hobea izan zuen: 80 bat bertsozale batu ziren ondo afaldu eta Agirreren eta Arzalluzen bertsoak entzuterako. Datorren urtean etorriko da hurrengoa.



JOSETXO ARANTZABAL

Debagoieneko kontuak ere izan zituzten kanturako gai Agirrek eta Arzallusek.

BERRI ONAK



Egunkari plurala, irekia, integratzailea eta dinamikoa. Hemen bertan idatzia.

Errioxako
upategi entzutetsu
batera joateko
20 bidaia
zozkatuko ditugu.
Parte hartu nahi baduzu, bete ezazu
txartela otsailaren 24an Noticias
de Gipuzkoan aurkituko
dituzun kupoiekin

OSTIRAL HONETAN DOAN.
ESKA EZAZU ZEURE KIOSKOAN.

Antzuolan jaiotako Oscar Candendo organo-jotzaileak itxi du aurtengo Gipuzkoako Organo Erromantikoko Nazioarteko jaialdia. Guridiren obra berezi

batekin egin zuen zapatu arratsaldean emanaldia Easo abesbatzarekin batera. Zikloan parte hartzen duen bigarren aldia da eta, esaten duenez, Bergarako organoak

soinu berezia du, obrarik ederrenak ere jotzeko modukoa. Gaur egun irakaslea da Bartzelonan eta Easo abesbatzako organo eta piano-jotzailea.

OSCAR CANDENDO | ORGANO JOLEA

“Bergaran eta inguruan dauden organoekin munduko jotzailerik onenak ekar daitezke”

Jon Berezibar

Gaztetan joan zinen kanpora, baina musikan lehen urratsak bertan egin zenituen, ezta?

Bergarako Mariaren Lagundiarena izan zen nire lehen eskola. Piano irakasle oso ona geneukan orduan, Amparo Navarro moja, eta bederatzi urte nituela hasi nintzen musika ikasten. Bi urte geroago, hamaikarekin, Donostiara joan eta bertan jarraitu nuen kontserbatorioan sakontzen, piano karrera amaitu eta organoa jotzen ikasten. Baiona eta Frantziako Tolosan ere izan nintzen ikasketak egiten eta Alemanian egin nituen goi mailako azken ikasketak, Stuttgarten. Izan ere, Alemanian eta Frantzian daude organo eskolarik garrantzitsuenak, edo behintzat, ospetsuenak.

Bergarara itzulita, ospea hartzen ari da jaialdia?

Hala da, organoengatik batez ere. Bai Azkoitikoa, bai Loiolakoa, bai Bergarakoa oso organo ederrak dira eta haiekin munduko organo-jotzailerik onenak ekar daitezke bertara. Nik, behintzat, benetan pozik jotzen dut hemen. Disko asko grabatu dira hemengo organoekin, oso ezagunak dira-eta, ez bakarrik Europan, Ameriketara eta Australiarera ere badute haien berri.

Organo on asko dauzkagu inguruan, berdin gertatzen da jotzaileekin ere?

Batez ere XX. mendean oso organo-jotzaile eskola ona egon da hemen eta oraindik organo-jotzaile asko daude. Elizetan ere sarri jotzen da. Esan daiteke leku ona dela organoari dagokionez.

Hain ohikoa ez dena, zure moduko organo-jotzaile gazteak aurkitzea. Giulio Merkati gaztea ere izan zen Bergaran, gorantz doan instrumentua da?

Gazte asko ari da berriz ere organoa jotzen. Jendeak pentsa dezake nagusiendako instrumentua dela, elizetan jotzen dutenak zaharragoak izaten direlako. Baina kontserbatorioetan eta musika eskoletan gazte asko dabil organoarekin, hemeretzi urtetatik hasita. Kontua da, organoa jo ahal izateko heldua izan behar zarela, pedal guztietara heldu ahal izateko gutxienezko altuera izatea beharrezkoa da. Nik Bartzelonan ematen ditut eskolak eta 17 bat urterekin sartzen dira ikasleak bertara. Interesa, gutxienez, badagoela esan daiteke organoko goi mailako ikasketak egiteko.

“Organoa entzuteko tokirik onena eliza da, nahiz eta gaur egun elizkizunetan antzina zegokion lekua kendu zaion”

“Sekula ere ez dut asmatu gogoratzen zerk bultzatu ninduen musika eta organoa umetatik ikastera”

Zuri ere goiz piztu zitzaizun organo-arekiko interesa?


Askotan galdetu izan diot hori bera nire buruari, zeren nire familian ez baitago musikari bat bera ere, eta sekula ere ez dut asmatu. Txikitatik neukan interesa. Antzuolan ez zen hain ohikoa piano bat ikustea garai hartan, baina elizan bageneukan organo-jotzaile on bat, nire lehenengo solfeo irakaslea izan zena eta agian horrela hasi nintzen. Gizon hark erakutsi zigun niri eta anaiei. Honi guztiari buruz daukadan lehen akordua amari pianoa jotzen ikastea gura nuela esan nionekoa da. Amari, base-ri girokoa bera, arraroa iruditu zitzaion, baina niri betidanik gustatu izan zait.

Elizkizunarekin lotzen den instrumentua izan da, elizatik kanpo erabilerarik badu?

Uste dut organoa entzuteko lekurik onena eliza dela, garbi dago hori. Liturgiari dagokionez, antzinakoak leku gehiago uzten zion organoari, eta gaur egun murriztagoa da gure lana, baina batez ere elizkizuna behar bezala egiten ez delako gertatzen da hori. Horretaz gain kontzertuak daude, eta Euskalduna moduko auditoriumetan ere organoak egon ohi dira.

Zeu izan zara jaialdiko amaiera emanaldiaren arduraduna. Berezia izan da horregatik?

Guridiren obra bat estreina-tu nuen emanaldian. Oso gutxi jotako *Gabriel Goiangeruaren meza* delako obra jo nuen. Uste dut behin bakarrik jo dela eta Bergaran egindako saioa ia estreinaldia izan da. Betiko moduan gregorianoz egindako zatiak egon



JOSETXO ARANTZABAL

Guridiren obra ez oso ezagun bat berreskuratu zuen Oscar Candedok.

ziren, Easo abesbatzarekin. Eskolaniaz gain kapera gregorianta bat ere badauka eta honela osatu genuen emanaldia. Oso pozik jo nuen, obra eder hori berreskuratzeko aukera izateagatik batetik, eta bestetik, musikagile bikain baten obra jo genuelako

abesbatzarekin, Guridi maisu handia da-eta. Forma aldetik ere obra berezia da eta horrek ere xarma ematen dio. Jaialdira natorren bigarren aldia da eta benetan oso gustuko dut; esan bezala, organoengatik eta baita lekuarengatik ere.

‘Gabriel Goiangeruaren meza’ izan zen itxiera saioko ardatz nagusia

Easo abesbatzako kapera gregorianistak hartu zuen parte azken saioan Oscar Candendorekin batera. Xabier Irastortzaren zuzendaritzapean oso gutxi entzundako Guridiren *Gabriel Goiangeruaren meza* entzun ahal izan zuten Bergarako San Pedro parrokiara joandakoek. Organo-jotzailearen zein abesbatzen aldetik kontzertu handia izan zen. Izan ere, gregorianistez gain haurren koruak eta gizonen abesbatzak osatu zuten polifonien zatia. Guridiren obra sakraturik garrantzitsuenak da Gabriel Goiangeruren omenez egindakoa, eta mende hasieran lehenengo aldiz jo zenetik, berriz ez

da obra hau entzuteko aukerarik egon. Kontuan hartzekoa da, izan ere, jaialdiaren helburuetako bat ahazturik dauden obra eta partiturak berreskuratzea da, eta horregatik aukeratu zuten Guridiren obra hau, egileak bere azken urteetan idatzia eta hiru ahotsek osatutako koru batekin abestu beharrekoa.

Zazpigarren edizioa amaituta, antolatzaileak hasi dira datorren urtekoan pentsatzen. Oraingo, aldaketa bakarra iragarri dute. Orain arte ez bezala, 2007an irailaren azken astean hasi eta urriko lehendabiziko hiru asteetan egingo da Organo Erromantikoko Nazioarteko Jaialdia ohiko lekuetan.



Emakumeen gaineko film laburren lehiaketak 1.500 euroko saria emango du

Arrasateko Udal Berdintasun Sailak antolatu du lehiaketa hori, lehenengo aldiz, eta ekainaren 2a da mugaeguna

Leire Kortabarria

Arrasateko Udaleko Berdintasun Sailak egunotan jakinarazi ditu bere lehenengo film labur lehiaketaren oinarriak. *Emakumeak Arrasateko Historian* da izenburua. 1.500 euroko saria ipini dute film labur onena bidaltzen duenarendako.

Lehiaketaren helburua honakoa da: emakumeak Arrasateko bizitza sozial, politiko, kultural eta ekonomikoan egin dituen ekarpenak eta izan duen parte-hartzea ikustaraztea.

OINARRIAK

Edozein lekutako errealizado-reek parte har dezakete lehiaketan, banaka edo taldeka, eta

film labur onena bidaltzen duenarendako 1.500 euroko saria dago.

Lehiaketan, 2003ko urtarrrilaren 1az geroztik ekoiztutako lanak bakarrik onartuko dituzte. Errealizadore edo talde bakoitzak bi lan aurkez ditzake gehienez ere, eta edozein hizkuntzaz egon daitezke. Lanak aurkezteko mugaeguna ekainaren 2a da, eta lehiaketa bera ekainaren 12an egingo da.

Oinarri osoak www.arrasate-mondragon.net webgunean dituzue.

IDAZKERA TAILERRA

Idazkera tailerra ere antolatu du Emakume Txokoak, baina idazkera mota berezia: gorputzarekin eta zentzumenekin lagundutakoa. Martxoaren 7an, 14an eta 21ean emango dute. “Gorputz kontzientzia eta zentzumen ariketak erabiliko dituzte idazteko. Helburua da “norberaren idazkera lantzea, bakoitzak duen estilo eta eran, idazkeraz gozatuz”, diote antolatzaileek.

Argibide gehiago, Emakume Txokoan (943 79 41 39).

Labur

'Todos Nacemos Vascos' antzezlanak ikusteko sarrerak agortuta daude

Todos Nacemos Vascos antzezlanerako sarrerak agortu egin dira Oñatin. Hori dela eta, bigarren emanaldi bat antolatu dute, eta horretarako 270 sarrera salgai daude 15 eurotan kultura etxean. Emanaldi hori otsailaren 24an egingo dute ere, 20:00etan, Santa Ana antzokian; lehen antolatuta zegoena 22:30ean izango da.

Bergaran ere egingo dute antzezlan hori, martxoaren 31n, eta oraindik sarrera asko geratzen dira –700 bat lagunendako lekua egongo da–. Kultura etxean eta Elkar liburu dendan daude salgai.

Eider Rodriguez idazlearekin bere liburuaz berba egiteko aukera

Eider Rodriguez idazlea (Orereta, 1977) Arrasateko kultura etxera etorriko da etzi, eguaztena, *Eta handik gutxira gaur* (Susa) liburuaren gaineko tertulia egitera. Parte-hartzea irekia da, baina ezinbestekoa da liburua irakurri izatea, horretaz izango da eta berriketaldia.

Eta handik gutxira gaur Eider Rodriguezen lehen liburua da, eta Joseba Jaka bekaren laguntzarekin argitaratu du. Ipuin liburua da; bakardadea, maitasuna, gizarte gatazkak... lantzen ditu.

Gorrotxategi gozogintzaren museoa ikusiko du Zahar Berrik

Arrasateko Zahar Berri proiektuko berba taldeak, euskal gozogintzaren kultura ezagutzeko, Tolosako Gorrotxategi museora irteera egingo du otsailaren 25ean. Autoz joango dira, goizean. Museoa bisitatzeaz gain, Aratusteetako poteoa egingo dute. Euskaltegetan edo AEDn (943 77 12 28).

Museo hori Jose Mari Gorrotxategi gozogileak antolatu zuen, Euskal Herriko lanbide tradizional horren berri emateko. XIV-XIX. mende bitartean egindako lan teknikak erakusten ditu.

Hitzorduak



'TRIKITRAKA TRIKITRON' SAIOKO BI ATAL GRABATUKO DITUZTE I

Arrasateko Amaia antzokian izango da grabaketa gaur, astelehena, eta bihar, martitzena

Txirri, Mirri eta Txiribiton pailazo ezagunek Euskal Telebistako *Trikitraka Trikitron* saioko bi atal grabatuko dituzte egunotan Arrasaten, Amaia udal antzokian. Gaur, astelehena, 91. atala, Koadro Magikoak, grabatuko dute, Moro katuarekin eta Dunbadunba perkusio taldearekin; eta bihar, mar-

titzena, Ezkontza agentzia delakoa, Marsel magoarekin eta Kakusinarekin. 19:00etan hasiko dira.

Sarrerak lortzeko bideak hauek dira: www.servicaixa.com webgunea, Servicaixako kutxazainak, edo 902 33 22 11 telefonoa. Bestetik, Amaiako txarteldegia 16:00etan irekiko dute.

ZINEMA I

- **Los dos lados de la cama filma emango dute Oñatin** Gaur, astelehena, izango da film hori ikusteko aukera kultura etxean, 19:30ean.
- **Hay motivo delako filma emango dute Elgetan** *Hay motivo* filma emango dute etzi, eguaztena, Elgetako Espaloia antzokian. Espainiako 2000–2004 legealdiko hainbat alderdi kritikatzan dituzte 32 film laburren bidez.
- **La pesadilla de Darwin dokumentala emango dute** *La pesadilla de Darwin* dokumentala emango dute eguenean, hilak 23, Oñatiko kultura etxean, 20:00etan; askoren esanetan, azken urteotan Europan egin den dokumental onena. Afr ikako Victoria lakuan arrain espezie berri bat sartzeak izan dituen ondorio larriak erakusten ditu.
- **Lutero filma emango dute Arrasaten, zineklubean** Eguenean, hilak 23, emango dute film hori Arrasaten, Amaia antzokian, 20:30ean. Luterok Erromako ustelkeriarekin amaitzeko hasi zuen erlijio erreforma kontatzen du.

ERAKUSKETAK I

- **Karikatura erakusketa ipini dute Espaloia antzokian** Maria Dolores Lonbide sorailuzetarraren margolan era-

kusketa ipintzekoak ziren Elgetan, Espaloian, baina atzeratu egin behar izan dute. Horren ordez, karikatura erakusketa dago hilaren 25era arte.

- **Iñaki Moreno Ruiz de Eginoren artelan erakusketa** Iñaki Moreno Ruiz de Eginok (Donostia, 1953) lan grafiko eta eskultura erakusketa du Bergarako Aroztegi aretoan. Hau da bisita ordutegia: astegunetan, 18:00, 20:30; zapatuetan, 12:00-14:00 eta 18:00-20:30; domeketan, 12:00-14:00.

- **Dani Laskurain bergararrak erakusketa ipini du** Dani Laskurain (Bergara, 1966) margolariaren 18 lan daude erakusketan Bergaran, Masterreka kaleko Nahikari tabernan, otsail osoan.
- **Kontsumoaren gaineko erakusketa Eskoriatzan** *Kontsumoa: janari, jantzi eta zapaten etiketak* delako erakusketa ipiniko dute Ibarraundi museoan. Hilaren 23tik, eguna, 26ra bitartean izango da.
- **Naturaren gaineko bi erakusketa ipini dituzte** Honako erakusketak daude egunotan: *Goroldioak: uraren xarma* delakoa Natur Eskolan; eta *Ugatza, saia eta saizuria* delako argazki erakusketa kultura etxean. Natur Eskola-koa martxoaren 9ra arte dago zabalik; kultura etxekoa, otsai-

laren 27ra arte. Natura Astearen barnean antolatu dituzte.

- **Zubiaga margolariaren lan berriak, erakusketan** Zubiaga margolariak hainbat lan dauzka erakusketan Arrasaten, Iturriotz kaleko Harresi aretoan. 32 bat lan dira, paisaiak, gehienak Kantabriako Liebana haranekoak. Teknika aldetik, olioak dira. Honako ordutegian bisita daiteke: astegunetan: 18:00-20:00; zapatu eta jaiegunetan: 12:00-14:00 eta 18:00-20:00.

LEHIAKETAK I

- **21. Koldo Eleizalde Lehiaketak deitu dituzte** Koldo Eleizalde Lehiaketak deitu ditu Bergarako Udal Euskara Zerbitzuak, ipuin, bertso, komiki-tira eta ipuin kon- taketa edo antzerki kategorietan. Komiki-tira eta bertso kategorietan, edozein debagoiendarrek parte har dezake; gainerakoetan, Bergaran jaio, bizi edo lan egiten dutenak. Argibideak, www.bergara.net webgunean.
- **Aratusteetako mozzorro lehiaketa deitu dute Bergaran** Bedelkarrek mozzorro lehiaketa antolatu du. Aratuste egunetako baten ikusten den mozzorro originalena eta giro onena sortzen duena sarituko dute. 160 euroko txartela emango diote Bedelkarren gastatzeko.

Eguraldia



Astelehena, 20



Martitzena, 21



Eguaztena, 22



Eguena, 23



Egubakoitza, 24

Temperaturek nabarmen egingo dute behera eta euria ere izango dugu

Giroa hotzagoa izango da gaur. Barnealdean temperatura maximoak 6-7 gradu ingurukoak izango dira. Hodeiak eta euria izango dira nagusi, bereziki goizaldean eta arratsalde-gau partean. Haizea ahuldu egingo da eta elur-maila 700-800 metro inguruan kokatuko da. Bihar, martitzena, berriz egingo du

behera temperaturak eta euri ugari egingo du. Eguaztenean ere antzeko eguna izango dugu: euria egingo du, baina tenperaturak pixka bat igoko dira. Eguen eta egubakoitzak ere ez dute aurpegia aldatuko. Euria eta zeru ilunak izango dira nagusi. Tenperatura hotzak izango ditugu.

Goardiako farmaziak

ARRASATE		
Astelehena, 20	Ruiz Perez	Maalako Errabala, 31 (943 79 14 09)
Martitzena, 21	Zabala	Zarugalde, 42 (943 77 16 30)
Eguaztena, 22	Azkoaga	Ferrerias, 1 (943 79 15 15)
Eguena, 23	Azkoaga	Iturriotz, 17 (943 79 79 99)
Egubakoitza, 24	Corcuera	Maisu Aranbarri, 1 (943 79 22 26)

BERGARA		
Astelehena, 20	Zabala	Barrenkalea, 25 (943 76 16 87)
Martitzena, 21	Guallar	San Antonio, 5 (943 76 11 05)
Eguaztena, 22	Estella	Matxiategi, 5 (943 76 19 63)
Eguena, 23	Mozos	Iparragirre, 2 (943 76 12 15)
Egubakoitza, 24	Camacho	Oxirondo, 4 (943 76 11 74)

OÑATI		
Astelehena, 20	Anduaga	San Lorentzo, 3 (943 78 21 16)
Martitzena, 21	Anduaga	San Lorentzo, 3 (943 78 21 16)
Eguaztena, 22	Barrenetxea	Kale Zaharra, 1 (943 78 01 22)
Eguena, 23	Barrenetxea	Kale Zaharra, 1 (943 78 01 22)
Egubakoitza, 24	Garate	Kale Barria, 42 (943 78 05 58)

ARETXABALETA		
Astelehena, 20	Iturralde	Belorrieta, 1 (943 08 11 43)
Martitzena, 21	Iturralde	Belorrieta, 1 (943 08 11 43)
Eguaztena, 22	Iturralde	Belorrieta, 1 (943 08 11 43)
Eguena, 23	Iturralde	Belorrieta, 1 (943 08 11 43)
Egubakoitza, 24	Iturralde	Belorrieta, 1 (943 08 11 43)

Telefono jakingarriak



OSASUNA / LARRIALDIAK

OSAKIDETZA (Larrial.)	943 46 11 11
DYA (Orokorra)	943 46 46 22
DYA (Antzuola)	943 78 71 57
Gurutze Gorria	943 22 22 22
Suhiltzaileak	943 78 28 00
Ertzaintza	
Arrasate	943 79 71 99
Bergara	943 53 47 20

Osasun Etxeak	
Arrasateko Ospital.	943 03 53 00
Antzuola	943 76 62 23
Aramaio	945 44 53 40
Aretxabaleta	943 71 19 59
Bergara	943 03 54 00
Elgeta	943 78 90 27
Eskoriatza	943 71 44 52
Leintz Gatzaga	943 71 47 46
Oñati	943 03 54 30
Hies Ekimena	943 79 26 99
Udaltzaingoa	
Antzuola	943 76 62 46
Aramaio	945 44 50 16
Arrasate	943 79 14 39
Aretxabaleta	943 71 18 63

Bergara	943 77 91 06
Eskoriatza	943 71 44 07
Leintz Gatzaga	943 71 47 46
Oñati	943 78 04 11

GARRAIOAK

Eusko Trenbideak	943 45 01 31
PESA	902 10 12 10
Taxiak	
Arrasate	943 79 12 22
Aramaio	945 44 50 33
Aretxabaleta	943 79 22 33
Bergara	943 79 12 22
Eskoriatza	943 71 40 59
Oñati	943 78 03 65
RENFE	943 28 35 99

DEBAGOIENA

Mankomunitatea	943 79 33 99
Hiltzegia (Zubillaga)	943 78 21 93
Mendi nekazaritza elk.	943 76 25 47
Nekazaritza Ganbera	943 76 10 15
Zerga Bulegoa	943 76 58 63
Euskara Taldeak	
Debagune	943 77 12 28
AED / Arrasate	943 77 12 28
Axtroki / Eskoriatza	943 71 54 34
Goibeko / Elgeta	943 78 90 85
Loramendi / Aretx.	943 77 09 70
Jardun / Bergara	943 76 08 19

Laixan / Oñati	943 71 63 11
----------------	--------------

Hondakindegia Alternatiboak	
Arrasate	943 77 11 43
Bergara	945 76 44 42
Oñati	943 78 36 67
Kiroldegiak	
Aramaio	945 44 53 35
Arrasate	943 77 16 77
Aretxabaleta	943 71 26 28
Bergara	943 76 56 41
Elgeta	943 76 82 84
Eskoriatza	943 71 53 28
Oñati	943 71 63 75
Kultura Etxeak	
Antzuola	943 76 60 65
Aramaio	945 44 53 74
Arrasate	943 77 01 05
Aretxabaleta	943 71 10 27
Bergara	943 77 91 58
Eskoriatza	943 71 46 88
Leintz Gatzaga	943 71 47 46
Oñati	943 78 03 53
Udalak	
Antzuola	943 76 62 46
Aramaio	945 44 50 16
Arrasate	943 79 09 00
Aretxabaleta	943 71 18 62
Bergara	943 77 91 00
Elgeta	943 76 80 22
Eskoriatza	943 71 44 07
Leintz Gatzaga	943 71 47 46
Oñati	943 78 04 11

Zozketak

BONOLOTOA	
Astelehena, 13	2 • 4 • 7 • 13 • 20 • 33
Osagarria: 12 Itzulketa: 9	
Martitzena, 14	1 • 5 • 16 • 23 • 26 • 44
Osagarria: 28 Itzulketa: 4	
Eguaztena, 15	6 • 12 • 25 • 27 • 34 • 45
Osagarria: 43 Itzulketa: 2	
Egubakoitza, 17	4 • 5 • 12 • 19 • 35 • 45
Osagarria: 27 Itzulketa: 8	

ONCE	
Astelehena, 13	29.807
Martitzena, 14	78.871
Eguaztena, 15	92.900
Eguena, 16	29.112
Egubakoitza, 17	62.907
Kupoitzarra (003 seriea)	
Domeka 19	47.794
Kupoitzarra (007 seriea)	

LOTERIA PRIMITIBOA	
Eguena, 16	4 • 29 • 39 • 42 • 47 • 49
Osagarria: 45 Itzulketa: 3	
Zapatua, 18	3 • 30 • 37 • 42 • 47 • 49
Osagarria: 45 Itzulketa: 3	
Zapatua, 18 (Saritzarra)	8 • 9 • 7 • 33 • 11
Itzulketa: 1	

Gazte zerbitzuak

BEKAK |
• **III. Korrika-AEK Beka** Euskara eta euskal kultura bultzatzeko helburua du. Dokumentazioa apirilaren 24tik 28ra aurkeztu behar da AEKren egoitzetan.
• **Atzerriko** unibertsitateetako irakurleentzako 2006-2007 ikasturterako laguntzak. Lizentziaduna edo Doktore izan behar da. Epea: otsailak 26.

IKASTAROAK |
• **UEUko neguko tailerrak:** Pertsonen arteko komunikazio eraginkorra, Kontatzetik mintzatzera, Espresio dantza, Euskal musika eta kultura eta Emakumeentzako dantzak. Eibarko Ikastetxe nagusian. Epea: otsailak 22.
• **Babes pertsonala eta sormenezko idazkerari** buruzko ikastaroak antolatu ditu Arrasateko Emakume Txokoak

martxorako. Matrikulazio epea zabalik.

LEHIAKETAK |
• **“Emakumeak Arrasateko Historian”** film laburren lehiaketa. Edozein nazionalitatetako errealizadoreek parte har dezakete, eta lanak edozein hizkuntzatan aurkeztu ahal dira. Epea: ekainak 2.
• **Pop-rock.** Leioako Udalaren VI. Pop-Rock lehiaketa. Modalitateak: Pop-Rock eta Metal. Epea: otsailak 24.

LANA |
• **Gazteleku eta ludoteketarako** lan-poltsa betetzen dihardute Txatxilipurdin. Arrasate, Antzuola eta Eskoriatzako zerbitzuetarako da.

ARRASATEKO GAZTE BULEGOA: Biteri etorbidea 3. 943 77 00 65 gaztebulegoa@arrasate-mondragon.net BERGARAKO GAZTEENDAKO INFORMAZIO GUNEA: Kultura etxea. 943 77 91 57 gzerbitzua@euskalnet.net	OÑATIKO GAZTEENDAKO INFORMAZIO GUNEA: Foruen plaza 4. 943 71 82 57 gip@oinatigazteleku.com
--	---

Bertan salgai

ASTELEHENEKO

Goienkaria

astelehenean, aste bukaera osoa

Antzuola:

- Altzarte okindegia
- Martin okindegia

Elgeta:

- Kioskoa

Bergara:

- Bolintxo okindegia
- Ogizun okindegia
- Konde okindegia
- Olabe okindegia
- Mizpildi okindegia
- Plazako Kioskoa
- Txurrerua Kioskoa

Arrasate:

- Eroski merkatal guneko prentsa txokoa
- Balantzategi kioskoa
- Portaloiko kioskoa
- Usue paper denda
- Bolintxo Okindegia
- Kurruko okindegia

Aretxabaleta:

- Errasti kioskoa
- Ibarra estankoa

Eskoriatza:

- Dorleta liburudenda

Leintz Gatzaga:

- Labidea

Aramaixo:

- Plazako kioskoa

Oñati:

- Haritza Kioskoa
- Ibarrondo Kioskoa
- Eskolatxo okindegia
- Arantxa okindegia
- Irizar okindegia
- Ogibarri okindegia
- Olakua okindegia
- San Lorentzo okindegia
- Errota okindegia

Zorion agurrak



ARRASATE
Joseba Lizaranzu
Otsailaren 14an, 24 urte. Zorionak eta muxu bat, *txetxe!* Familiakoen partetik.



ARRASATE
Danel Uribesalgo
Otsailaren 20an, 9 urte. Zorionak eta muxuak, preixioxo! Musakolakoak.



ARRASATE
Myriam Beltran de Heredia
Otsailaren 22an. Zorionak eta muxu bat, izeba. Lobak.



BERGARA
Xabier Labaka
Otsailaren 24an, 12 urte. Zorionak eta urte askotarako! Senitartekoak.



BERGARA
Ane Laskurain
Otsailaren 20an, 7 urte. Zorionak, preziosa. Etxekoak eta bereziki, Markelek.



BERGARA
Ibai Etxabe Agirrezabal
Otsailaren 20an, 3 urte. Urte askotarako! Familiakoak.



BERGARA
Nere Zurro
Otsailaren 26an, 10 urte. Zorionak eta urte askotarako! Familiakoak.



BERGARA
Eider Monkaiola
Otsailaren 21ean, 8 urte. Zorionak eta urte askotarako! Familiakoak.



BERGARA
Uxue Agiriano
Otsailaren 23an, 5 urte. Zorionak eta muxu handi bat! Familiakoak.



BERGARA
Xabi Arzelus
Otsailaren 25ean, 3 urte. Zorionak eta urte askotarako! Familiakoak.



OÑATI
Maider Murillo
Otsailaren 16an, 8 urte. Zorionak eta muxu bat! Etxekoen partetik.



ESKORIATZA
Lide Crespo
Otsailaren 23an, 6 urte. Zorionak eta muxu handi bat. Etxekoak.



ELGETA
Iban Arantzabal
Otsailaren 21ean, urte bat gehiago. Zorionak! Lagunak eta lankideak.



ARAMAIO
Eukene Ugarte
Otsailaren 18an, 14 urte. Zorionak eta urte askotarako! Etxekoen partetik.

Zorionak!

Zorion itzazu lagunak eta senitartekoak
ASTELEHENEKO GOIENKARIAREN bidez!
Ekar ezazu bere argazkia, eta emaitza ezusteko ederra!

Zoriondu ARRASATE IRRATIAn



Ikaskideak, lagunak edo senitartekoak zoriondu nahi badituzu, ARRASATE IRRATIAk egunero ematen dizu aukera hori.

Bidali eskaria:
irratia@goiena.com helbidera
edo deitu 943 71 17 31 telefonora.

**Egunero,
zorion agurren tarte
ARRASATE IRRATIAn**

FM107.7
ARRASATE IRRATIA

Jaiotakoak



Beñat Larrea Martin
Antzuola • 3,350 Kg. Otsailak 12.
Gurasoak: Silbia eta Josu (Antzuola). Argazkian: Beñat, bapo lo.



Itsaso Markiegi Baskaran
Bergara • 3,135 Kg. Otsailak 13.
Gurasoak: Josune eta Ander (Bergara). Argazkian: Itsaso amaren besoetan, amonarekin batera.



Maialen Ruiz Diaz
Elgoibar • 3,450 Kg. Otsailak 15.
Gurasoak: Cristina (Bergara) eta Iban (Elgoibar). Argazkian: Maialen, bapo lo amaren besoetan.



Ane Lasabaster Rodriguez
Arrasate • 3,660 Kg. Otsailak 15.
Gurasoak: Amaia eta Josu (Arrasate). Argazkian: Ane, bapo lo bere kuman.



Amalur Garcia Arrieta
Antzuola • 3,515 Kg. Otsailak 15.
Gurasoak: Onintza eta Mikel (Oñati). Argazkian: Amalur, amonaren besoetan, ama alboan.



Bogdan Cabezas Dabila
Eskoriatza • 2,600 Kg. Otsailak 16.
Gurasoak: Cristina eta Jose (Eskoriatza). Argazkian: Bogdan, gurasoekin.




Arkaitz Aretxaga Valle
Antzuola • 3,120 Kg. Otsailak 19.
Gurasoak: Aitziber (Bergara) eta Jon (Andoain). Argazkian: Arkaitz, aitaren besoetan.



Elaia Maure Azkarate
Bergara • 3,010 Kg. Otsailak 19.
Gurasoak: Nora eta Asier (Bergara). Argazkian: Elaia, amaren besoetan.

Hildakoak

Jose Luis Arregi Goitia
Oñatin, otsailaren 15ean. 55 urte.
Fausto Poza Lobo
Bergaran, otsailaren 15ean. 69 urte.
Vidalina Garica Fernandez
Bergaran, otsailaren 15ean. 68 urte.
Candida Uribesalgo Irazola
Arrasaten, otsailaren 15ean. 82 urte.



ESKELAK
ASTELEHENEKO
GOIENKARIAN

85 euro
943 25 05 02

Gaur irratian

Arrasate Irratia

FM 107.7

‘Igo autobusera’ | 10:35

Amaia Doyage arraunla-
ria eta Korrikako bekak

Amaia Doyage arrasatear arraun-
lariarekin izango dira hizketan *Min-
gaina dantz*an geltokian. Bestalde,
AEK-k Korrikari begira ikus-entzu-
nezko bekak deitu ditu eta horren
gaineko azalpenak emango ditu
Igor Elorduik.

Oñati Irratia

FM 107.4

‘Eguerdiko saioa’ | 12:15

Aisa programa
aztergai

Aisa programaren bitartez, etorki-
nak euskal gizartera gerturatzeko
urratsak eman nahi dituzte Udal Eus-
kaltegian. Programa horren gaine-
an berbetan egongo dira eguerdi par-
tean. Ikasleen eta irakasleen espe-
rientzia ezagutzeko aukera.

Euskadi Irratia

FM 104.4

‘Faktoria’ | 11:30

Eusko Legebiltzarraren
25. urteurrena

Radio Euskadi

FM 98.2

‘Boulevard’ | 09:30

Joaquin Almunia-
ri elkarrizketa

Loiola Irratia


FM 99.8

‘Kalez kale’ | 11:30

San Inazioaren heriotza-
ren 450. urteurrena

GOITB programazioa

Astelehena, 20



‘Harmailatik’ saioan
kirolari gainbegiratua
21:15

Julen Iriondo kazetari oñati-
rrak ibarreko taldeen ibilbidea-
ri gainbegiratua egingo dio.
Hainbat partidutako irudi
onenak ikusgai.

13:15 Emisio hasiera.
13:20 Marrazki bizidunak.
13:45 Gaurkoak.
13:47 Behazulo.
14:15 Eltze beroa.
14:30 MI.
14:35 Gezi-bideak
14:45 Albiste aurrerapena.
15:00 Munduari bueltaka:
Pakistan.
15:30 MI. Eguraldia eta
burtsa tarteak.
15:35 Sendabelarrak.
15:45 Gaurkoak.
15:47 Harmailatik.
16:15 Klipak.
16:30 MI.
16:35 Gezi-bideak.
16:45 Albiste aurrerapena.
17:00 Didjeridu.
17:30 Motzean.
17:45 Gaurkoak.
17:47 Berbaire.
18:15 Jaun ta jabe.
18:45 Albiste aurrerapena.
19:00 Klipak.
19:15 16 mm.
19:45 Berriak.
20:15 Marrazki bizidunak.
20:45 Albisteak.
21:15 Harmailatik.
21:45 Berriak.
22:45 Albisteak.
23:15 Jazz zikloa.
23:45 Berriak.
00:15 Emisio amaiera.

Martitzena, 21



‘Berbaire’ saioan
gaurkotasuneko gaiak
22:15

Marijo Deogracias aurkezleare-
kin batera Mikel Irizar, Mikel
Usabiaga eta Elena Laka aritu-
ko dira solasean. Egune-
ko albiste nagusiak aztergai.

13:15 Emisio hasiera.
13:20 Marrazki bizidunak.
13:45 Gaurkoak.
13:47 Jazz mintegia.
14:15 Zera dio.
14:30 MI.
14:35 Gezi-bideak.
14:45 Albiste aurrerapena.
15:00 Elkartasun bideak.
15:30 MI.
15:35 Sendabelarrak.
15:45 Gaurkoak.
15:47 Harmailatik.
16:15 Klipak.
16:30 MI.
16:35 Gezi-bideak.
16:45 Albisteak.
17:00 Jazz.
17:30 Danbaka.
17:45 Gaurkoak.
17:47 Erreportajea: Jauregi
gasna eta yogourrak.
18:15 Munduari bueltaka:
Pakistan.
18:45 Albisteak.
19:00 Klipak.
19:15 Harmailatik.
19:45 Berriak.
20:15 Marrazki bizidunak.
20:45 Albisteak.
21:15 Ilunpean.
21:45 Berriak.
22:15 Berbaire.
22:45 Albisteak.
23:15 Behazulo.
00:15 Emisio amaiera.

Eguaztena, 22



Film laburrendako
tarteak: ‘Irreal’
22:15

Amagoia Lasagabaster
kazetariak aurkezturiko 16 mm
saioan, *Irreal* animazioa
izango da ikusgai
oraingo astean.

13:15 Emisio hasiera.
13:20 Marrazki bizidunak.
13:45 Gaurkoak.
13:47 Berbaire.
14:15 Musika saioa.
14:30 MI.
14:35 Gezi-bideak.
14:45 Albiste aurrerapena.
15:00 Teknopolis.
15:30 MI.
15:35 Sendabelarrak.
15:45 Gaurkoak.
15:47 Behazulo.
16:15 Klipak.
16:30 MI.
16:45 Albiste aurrerapena.
17:00 Berbaire.
17:30 Zera dio eta Motzean:
Roberto Moso.
17:45 Gaurkoak.
17:47 16 mm.
18:15 Teknopolis.
18:45 Albiste aurrerapena.
19:00 Klipak.
19:15 Didjeridu.
19:45 Berriak.
20:15 Marrazki bizidunak.
20:45 Albisteak.
21:15 Teknopolis.
21:45 Berriak.
22:15 16 mm: Irreal
animazioa.
22:45 Albisteak.
23:15 Erreportajea.
23:45 Berriak.
00:15 Amaiera.

Eguena, 23



Debagoieneko
albisteak
19:45

Egunean zehar bailaran gerta-
tutakoak jarraitu ahal izango
ditugu GOITBko albistegiei
esker. Deiane Arrietaren eta
Julen Iriondoren eskutik.

13:15 Emisio hasiera.
13:20 Marrazki bizidunak.
13:45 Gaurkoak.
13:47 Erreportajea.
14:15 Motzean.
14:30 MI.
14:35 Gezi-bideak: Oñati
bizikletan eta Landa.
14:45 Albiste aurrerapena.
15:00 Jaun ta Jabe.
15:30 MI.
15:35 Sendabelarrak.
15:45 Gaurkoak.
15:47 Jazz mintegia.Didier
Ithursarry.
16:15 Klipak.
16:30 MI.
16:35 Gezi-bideak.
16:45 Albiste aurrerapena.
17:00 16mm.
17:30 MKT musika.
17:45 Gaurkoak.
17:47 Elkartasun bideak.
18:15 Iparrorratza: Kuban
espeleologia.
18:45 Albiste aurrerapena.
19:00 Klipak.
19:15 Erreportajea.
19:45 Berriak.
20:15 Marrazki bizidunak.
20:45 Albisteak.
21:15 Jaun ta jabe.
21:45 Berriak.
22:15 Didjeridu.
22:45 Albisteak.
23:00 Berbaire.
00:15 Amaiera.

Egubakoitza, 24



‘Behazulo’,
Goiatz Aranarekin
19:45

Debagoienean astean zehar
albiste izan diren gaiak jorra-
tuko ditu Goiatz Arana kazeta-
riak. Hainbat lagun gonbidatu-
ko ditu estudiora.

13:15 Emisio hasiera.
13:20 Marrazki bizidunak.
13:45 Gaurkoak.
13:47 Berbaire.
14:15 Musika saioa.
14:30 MI: Eguraldia eta
zerbitzuak.
14:35 Gezi-bideak.
14:45 Albiste aurrerapena.
15:00 Iparrorratza.
15:30 MI.
15:35 Sendabelarrak.
15:45 Gaurkoak.
15:47 Didjeridu.
16:15 Klipak.
16:30 MI.
16:35 Gezi-bideak.
16:45 Albisteak.
17:00 Berbaire.
17:30 Eltze beroa.
17:45 Gaurkoak.
17:47 Ilunpean.
18:15 Teknopolis.
18:45 Albisteak.
19:00 Klipak.
19:15 Jazz mintegia.
19:45 Berriak.
20:15 Marrazki bizidunak.
20:45 Albisteak.
21:15 Behazulo, Goiatz
Aranarekin.
21:45 Berriak.
22:15 Ilunpean.
22:45 Albisteak.
23:15 16 mm.
23:45 Berriak.
00:15 Emisio amaiera.

Kamera aurrean



“Orain 25 urte esan zidaten
izango nintzela Oñatiko
aurreneko alkate emakumea,
eta asmatu egin zuten”

LURDES IDOIAGA |
EAJ-KO ZINEGOTZIA OÑATIN
Berriak, 2006-02-16



“Gaur egun Eskualde Ospitalea
osatzen duten eraikinak
bota eta berria egingo da
eraikin bakarrean”

MIGUEL BUEN |
PSE-EE-KO GIPUZKOAKO IDAZKARI NAGUSIA
Berriak, 2006-02-15

‘Popeye’, ‘Montana’ eta
‘Card sakura’

Marrazki bizidunak:
Egunero, 13:20an eta 20:15ean

Neska-mutikoek gozatzeko
marrazki bizidunak



Ikustekoa!

Otsailaren 20a: 076 zozketa

ASTELEHENKO GOIENKARIA

Harpidedunen

txokoa

Zorionak irabazleoi!

Gaur, otsailak 20, egin den zozketako saridunak azpiko zerrendan datoz. Zu tartean bazaude, zorionak!

Asteleheneko Goienkaria-ko harpidedun bazara, adi:

Zeu izan zaitezke hurrengo zozketako irabazleetako bat!

BALDINTZAK

- *Asteleheneko Goienkaria*-ren harpidedun izatea da baldintza bakarra.
- Irabazleekin gure harpidetza saila jarriko da harremanetan.

Harpidedun egiteko:

902 36 38 51

Astelehenetik egubakoitzera, 09:00etatik 21:00etara.

Eskaintza:

Harpidetza kuota, 35 euro

2005 osoko harpidetza kuota: 35 euro.

ASTELEHENKO
Goienkaria
astelehenean, aste bukaera osoa



Hauek dira aste honetako sarien irabazleak.

Zure izena zerrendan badago, **ZORIONAK!**


Bi gonbidapen FLORIDA-GURIDI zinemetara joateko eta beste bi gonbidapen Gasteizko San Prudentzio kaleko BOCATTAN bi menu jateko (saridun bakoitzarendako bi).

- Ana M. Kortabarria Bikuña (Oñati)
- Lierni Legorburu Iburguren (Antzuola)

Bi gonbidapen Donostiako AQUARIUMa bisitatzeko (Saridun bakoitzari bi).

- Jose Luis Eraña Errasti (Aretxabaleta)
- Eneida Ezenarro Arejolaleiba (Bergara)

Otsailaren 27ko sariak



- Bi gonbidapen Donostiako AQUARIUMa bisitatzeko. (Saridun bakoitzarendako bi)

EIBAR- MALAGA B

futbol partidua ikusteko sei gonbidapen.

(Saridun bakoitzarendako bi)



